

罪
惟
錄



罪惟錄帝紀卷之十六

熹宗哲皇帝

熹宗達天聞道敦孝篤友章文褰武端靜穆莊哲皇帝名由校甫即位科臣惠世揚參輔臣從哲十罪三可校以從哲請寬假李進忠謂大不敬從哲一再乞生不久御史倪應春獻治安六策其一謹徵刑科魏應嘉請三事經筵奎舉大婚早定近侍得人建州^兵入撫順大掠而去瀋陽警御史顧慥馮三元張修德連揭原經畧廷弼援遼無功科臣楊連疏論廷弼有曰議經畧者終難抹殺其功憐經畧者亦難掩飾其咎御史賈維春上書輔臣請安李選侍同官

王業浩左先斗疏亦如之。有旨。選侍氣凌聖母。威挾朕躬。欲令文書先行送閱。乃與朕覽。寔有垂簾聽政之漸。今奉養職。驚宮弗怠。其他盜庫。按律何辭。閣臣從哲具揭。一再封還。聖旨上。又不奪。尚御史王允成奏。閣臣封還詔書。何故。司馬昭之心。路人知之矣。太常寺少卿姚定文。巡視廷。弼。還。意。禮。言。官。有。旨。廷。弼。解。任。聽。勅。南。太。常。少。卿。曹。珍。御。史。傅。宗。臯。李。希。孔。馬。逢。臯。等。追。論。在。文。昇。李。可。灼。用。藥。之。誤。下。部。

冬十月。罷兵部尚書黃嘉善。葬皇祖顯皇帝定陵。詔魏應嘉再勘遼東。言官吳應琦楊連奏。勅事勿遣。官以巡撫袁

應泰經畧遠東。徵舊輔葉向高。朱國祚史維階。沈灌何宗
考入閣。中旨禮部尚書孫如游。並入閣辦事。御史賈維春
安仲田珍等合疏糾報。聞噦驚宮。文上諭閣臣。選侍李氏
與皇八妹俱幸。無恙。編脩錢謙益復官。十一月講席。并撤
禮部李如桂奏請不聽。原經畧廷弼交代疏。有云。自人民
城堡。兵馬器械。何一件非臣大聲疾呼。爭口聞氣。所得未
何一事。非臣廢寢忘食。吐血嘔肝。所幹辦。何一處非臣身
親脚到口籌。手畫所規定。廟堂議論。不規情寔。畢竟矮人
觀場。有何真見。科臣楊世惠。陳上下交修之實。因恭閣臣
如游不職。不報。併薦高攀龍。劉宗周。孫居相。劉策王之案。

陸大受等命科臣朱童蒙再勘遼東功罪南御史李希孔
糾前奉聞宗文固上行私宿奸養亂言官毛士龍方震孺
王允成趙時用次第續奏門戶何必追尋勘遼不尚爭聞
刑部尚書黃克纘一再請寬內監姜昇等罪以安遷侍不
聽十二月科臣周希令上言兵不可再募民不可再派須
將上得其人御史張捷慎微決壅一疏有曰皇上日講既
撤還宮朝夕一身之外都無足恃或起處失調或頓咤偶
假如生如存之念或懈於皓齒城眉用賢圖治之勤或分
於左右便倭漸而至於為容悅為竊弄矯持太阿滕騰封
爵不可不慮而終之以王昇斷不宜加賞揚鎬李如楨斷

不宜姑息。上覽楊連所奏，移官始末，曰：皇考賓天，李選侍阻朕煖閣，且詣文華，再四攬挈，既躬視殮，又復圍籥，及恭送梓宮仁智殿，已向選侍先行一拜叩頭禮事。竣，又勅再朝，朕不堪凌虐，晝夜哭泣。此闔宮內臣，宮眷共見而不忍言者。科臣楊連尚未疏及，追念選侍，陵崩聖母，自知有罪。每使宮眷王壽花等時來投遞，不令朕與聖母下原任內官一語。偶來問安，疾遭重處，皇考亦知派朕選侍為悞。每親勸朕見朕涕泣，每使內官慰解，以是不居其言。此等苦衷，外廷安得盡知。近乃謗議妄生，積疑橫至，輕聽盜犯之訛傳，致亂他年之實錄。故諭南御史王允成奏保身保

治之要。嚴宮禁。壯維城。保護皇慎內旨。謹票擬。杜旁落。嚴
部覆。勵廉耻。接群臣諭。和衷親講。祀皆特要。南京軍扶賞
鼓噪。燒燬公署。詔罪首惡。大學士方從哲乞歸。許之。加中
極殿大學士。蔭一子尚寶司丞。御史方震孺論用人當因
人而授官。不當以官而執人。都給事中楊漣乞歸。不許。時
科道官意見偏私。互相黨同。各執所是。以致大臣求去。上
特諭示警。

天啓元年辛酉春正月。御史焦源溥追論紅丸請立奪鄭
養性官。磔崔文昇。以謝天下。發內帑銀五十萬兩。備邊科
臣李若珪敬明職掌。疏爭中旨。直尔內侍。不得詆抑言官。

以開擅權之罪。楊連病歸。舉日講閣臣如游預經筵。御史
左光斗請立罷。如游為首元策。一政不報。給巡方印信。上
行冠禮。科臣趙時用疏請折衷議論法。不越公明二字。御
史方震孺疏論國本一案。調停即可不宜以發奸者。盡屬
小人。門戶之說。依附有之。不宜因不肖以及賢者。且曰王
之采陳大受可原。趙南星高攀龍李邦華劉宗周等十餘
人足錄。卹首請建儲舊輔沈鯉。追贈呂坤刑部尚書。二月
御史素化中言時事八漸。以宮禁漸弛。言路漸輕。賄賂漸
廣。宦官漸盛。為最切。上御文華門。有風男子張道安頂克
直。駕校尉喊稱保駕。來逐王公。宥罪等語者。再逮治。肅朝

儀上傳選補淨身男子務足四十五百又增二百之數太
 常寺少卿李宗正上言禘祭宜及讓皇景皇祧廟宜及興
 獻并祧高皇帝諸親屬卿洪文衡亦請必祧齋廟不果兵
 科蕭基疏降彝不宜輕納御史周守建論遼事要在固守
 歸罪相臣無識持之不堅以致議論紛紛戰守無據因力
 薦原經畧熊廷弼可任免親藩貢馬遼兵大復香爐山撫
 諭西鹵閏二月御史董羽宸進補偏救弊十說指內批互
 有異同一柄互操一事互諉中官既有事權且歸統攝不
 省纂修神宗先宗實錄連日風霾諭嚴邊荆韓二王先後
 助餉彙可議復行取營慶陵御史賈繼春初揭移宮時李

選侍雜經皇八妹入井。及奉旨回話。逸去此等語。坐誣上革職。御史魏光緒再陳挺擊事。請召還王之象。陸大受等。遼撫薛國用奏。邊將李秉誠匿奉集失事。不報罪之童蒙。勘遼選。奏原經畧廷弼得遼功。不可沒。奉溫旨。昭和殿。災詔舉異才。以恩澤封郭振明。博平伯。王天瑞。永寧伯。尋建侯。會審楊鎬。李如楨。照秋。後律。卹劉綎等死事諸臣。三月。御史蕭基。追劾閣臣。宇文三。失策五罪。致經臣廷弼罷歸。誤國不小。藩陽陷。守將賀世賢。叛去。吳文傑。周致吉。秦那屏等死之。御史江東謙請急出廷弼。受東事。起劉宗周。禮部主事。高攀龍。光祿寺丞。遼陽陷。按臣張銓。分守道何廷

魁監軍崔儒秀牛維曜死。之經畧素應泰自縊。終氏兄弟
五人捐萬金募死士創起城破。敗沒遠近城堡皆靡。獨東
山礦兵逆拒。被殘更條。詔起兵部左侍郎廷弼以尚書任
遼事。添設職方司主事二員。范梈取如杞起王之案刑部
主事。以巡撫薛國用代為經畧。備山海城海州。致人吳金
祖平。

夏四月。僉都御史李守延協理京營戎政。禁發抄軍機。御
史方震孺薦寧前叅議王化貞能識西鹵情。刑臣明時
舉隨請化貞便宜。結西鹵為用。停止大工。獲後金所縱叛
臣黃衣。及行間叛人邢子成劉保。先後伏誅。保每月受建

州賞百金、為通密報、刑部右侍郎鄧元標奏和衷、薦李邦華、周起元、趙南星、高攀龍、劉宗周、熊明遇等、可倫、急使御史汪泗論陳時弊、三多議論、多調停、多體面、多經畧、國用病免、參議王化貞代為巡撫、邱遠東死事、張銓等。尤世功、陳策、在儒秀、何廷魁、張名世、吳之傑、周敦吉、連兵部尚書崔景榮、或金、節起龍、秦那屏、陳克用、段辰、以孫承宗代之、白瑜、黃克鑽、協理戎政、大婚中宮、張氏王氏為良妃、段氏為純妃、以都御史畢自嚴駐天津、備兵、餉、王國禎駐通州、護漕、招練、逮原任監軍道高、出、五月、御史李達請嚴禁內操、遼、替文、珠、納降、葵、二百八十、道、述、四、十、御史江秉謙請毋墮、表、應、泰、敗、轍、上、欲、寬、揚、鎬、李、如、植

之獄附批都御史王德完疏尾言官爭之詔追罪原叅熊
廷弼科道等官姚亨文革職馮三元張修德魏應嘉降二
級調外逮遼陽倡迓布政馮盛明兵備吳瑞徵於獄遼撫
王化貞主用水兵撫定四衛以圖遼陽六月少詹事徐光
啓上封事所急寔選寔練母徒以名中旨乳母奉聖夫人
客氏熈皇祖戴聖夫人余氏例男加非錦衣衛指揮夫照
子贈官給故地二十頃議照蜀平苗功加恩張鶴鳴等有
差經畧尚書熊廷弼疏東事有曰事本難而視之愈易勢
已急而應之愈緩着宜先而布之愈後心當同而構之愈
異及今從難處急處先處同處下手而勢已過重時已難

送○若○再○因○循○不○改○故○套○臣○有○不○忍○逆○覩○者○矣○隨○請○釋○繫○臣
高○出○詔○與○胡○嘉○棟○並○降○級○監○軍○以○贖○恩○貢○始○泰○昌○中○例○再
考○一○次○行○歲○貢○始○舊○行○御○史○張○捷○奏○輔○臣○從○哲○才○庸○手○棘
坐○罰○俸○御○史○李○日○宣○議○宗○祿○將○軍○以○差○行○限○祿○法○中○尉○以
差○行○力○田○興○學○法○許○宗○孫○及○聖○裔○高○中○武○本○省○於○原○額○外○不
拘○名○數○御○史○劉○蘭○等○公○疏○奉○聖○旨○出○就○外○宅○以○免○權○勢○之
嫌○不○聽○上○重○經○畧○事○權○賜○劍○便○宜○廷○稱○題○用○劉○國○縉○以○副
使○招○練○登○萊○冬○卜○年○以○僉○事○監○其○軍○洪○敷○教○以○主○事○軍○前
贊○畫○御○史○方○震○孺○奏○遼○事○河○不○足○恃○者○六○遼○有○可○乘○者○十
詔○釋○罪○監○田○詔○劉○朝○劉○進○忠○陳○應○科○於○獄○降○太○監○王○安○為

淨軍勅總管尚書王象乾駐薊鎮。廷弼請申明經撫執掌。大學士葉向高到閤奏撫臣王化貞可專任游擊。毛文龍襲復鎮江。執叛將佟養真獻俘。巡撫化貞稱文龍大將材倚辦東事。陞文龍參將。規進取金州。被襲上以內監魏進忠侍衛有功。宜附慶陵。工成叙錄。御史王心一疏爭之。并及奉聖容氏。僉都御史李宗延劾克橫內侍李天祥。王昇忤旨降調。鎮江復陷。參將文龍走朝鮮。獲免。時蓋復金三衛俱折而東。原復州游擊單進忠走聚遼丁數萬於長山島。待救時無議救長山者。經畧廷弼議三方布置。主守撫臣化貞主戰。廷弼奏廟筭無定。何以應機。刑部侍郎鄒元標

亦加言之不決付終養真而市。

冬十月御史馬鳴起論奉聖留宮六不便。言官侯震賜及倪思輝朱欽相次第疏諫。咸坐罰俸。王心一復理前疏。降三級調外。侍郎郝元標謂皇上即不惜寵於客氏。故有陰惜客氏而不知者。請寬心一等。不許。時妄傳卜年與後金同姓。兵部尚書張鶴鳴爭之。謂叛將佟養真與卜年係近族。則有之。順逆故自異。嚴訊初請開礦者。以餉不足。特什加派。時以鎮江之捷。朝議皆向撫臣化貞。意且竟裁經畧。及鎮江復敗。又責經畧臣速出山海。廷溺上疏。用臣不專。事必無濟。且出閩無一兵。何從措手。因以四事向樞臣鶴

鳥決之一不中制一同心呼吸一無懸度逆臆以聞一無扶
同誇翹十一月詔徵四川蘭永寧宣撫使奢崇明東援遼
套鹵入犯延綏大掠恨總兵杜文煥約曰去文煥吾不入
詔文煥戴罪防邊鹵酋良定等犯井肅鎮番等處叅將王
承恩拒却之麻山湖大斬獲贈邱遼東死事武臣張神機
等十三人十二月蘭酋赴援至重慶叛殺巡撫徐可求及
道府以下官盡總兵黃守魁以下皆戰死陷遵義重賂石
砭宣撫司求助石砭女官秦良玉斬其使進兵圍賊重慶
賊破興文知縣張振德死之焚劫瀘叙諸郡邑逼成都指
揮周邦泰降賊同官冉世洪死之以朱燮元巡撫四川張

我績提督川湖雲貴四省軍務王三貴巡撫貴州時連撫
 化貞誤恃恭將文龍閣臣向高誤認化貞之恃文龍者不
 謬專主進兵廷弼以為全不可恃於是衆口盈廷有旨會
 議御史江秉謙論曰朝廷之上以意見為愛憎以愛憎為
 低昂又以含糊為兩可以兩可為責成今日會議非經撫
 不和好惡經撫者不和也非戰守之議論不合左右戰守
 者之議論不合也明責首輔之用廷弼不且陰棄之而外
 姑存之科臣周朝瑞以天變力言臣工傾擠必有不虞太
 監魏進忠與奉聖客氏睡得代王體乾秉筆

天啓二年壬戌春正月禮科惠世揚摘恭場獎違巡化貞

稱經臣阻其東出願以精兵六萬專制橫行廷弼曰果能
六萬了事請禱臣以待化貞主用西鹵給賞粉花銀萬四
千兩約五大營助戰免愁及小歹青銀亦一萬二千兩約
八大營助戰科臣侯震賜痛論遼事經撫兩存其禍立見
坐典輔臣忤外調奉旨再行會議言人人殊而兵部意欲
存撫以固毛文龍之心以用西鹵請經臣別行推用後不
決御史周邦基復疏者議論專責成去私植定國是嚴進
取五事東師與西鹵合攻西平不利及劉渠戰敗師進
沙嶺將逼廣寧撫臣化貞棄城走廷弼趨閩陽將援廣寧
遇化貞同返詔廷弼化貞合守右屯贖罪二月蜀撫樊元

收降賊羅乾象使內間。蒲首崇明且就撫。不果。已而復安
岳樂至二縣。成都圍解。旋復遵義等處。邛廣軍死事裨將
羅一貫監軍高非佐祁秉忠等。逮再逃。高出胡嘉棟獄訊。
撫臣所遣先鋒孫得功東降。御史謝文錦等奉命論經撫
罪案。謂調度三方。廣寧原非轄外。令處右屯。權非已出。且
守定後。戰業已上聞。而樞撫與之爭執。或警至東塔。最迫
移駐閬陽。分兵應援。而廣寧已棄。此經臣之案也。仗錢專
征。祈請如意。妄謂虎愁外助。永芳內應。守備不設。棄地西
奔。此撫臣之案也。廷弼圖固守。而不可得。化貞雖欲不言
戰。而不可得。則奉兵張鶴鳴之偏任。誤之時。廷議縱化貞

而必井心廷弼御史劉和化復大言爭之謂遼撫罪案未
明直窮三窟坐罰俸有旨王化貞扭解來京究問熊廷弼
革職回籍聽勘道將等官分別定罪本兵張鶴鳴不得已
自請行邊詔可前事不問以孫承宗為兵部尚書入閣辨
事承宗論用兵以文統武是散法以極不知武之文統極
怕文之武更屬極散之法宜選大將以遼事界之小勝少
亟弗問至於守關無關入力厚而國進取且請急練土著
義勇備用刑部主事王之采追論挺擊一案當時抹殺原拙
十八條詔弗問光祿寺少卿高攀龍踵言之得嚴旨言官
馬逢臯張鵬雲復言之下所司聞鳴泰素崇煥以主事為

山海監軍王在晉以兵部尚書經畧遼薊津萊軍務在晉
疏論國是顛倒進止皆難時廷弼請達疏曰撫臣手蹟具
在進兵是其虛聲且使化貞死守不遜臣安敢不救廣寧
即化貞進不到閭陽臣安敢去閭陽一步而以倡逆殺臣
死不暇三月御史方震孺親往覺華島招回祖大壽兵十
餘萬民萬餘罷甲無筭御史江秉謙疏樞臣鶴鳴並軍正
法既欲驅經畧出師又不令廷弼制既欲駐經畧廣寧
又不令化貞分訊失機自當并論得嚴旨試御史蔣允儀
亦歸罪樞部吏科侯震揚并歸罪閭臣鶴鳴至閩奏撫賞
西鹵虎墩兔愁抄花宰養等部以便一意東禦不致分擾

後稱東間杜茂招佟卜年與李永芳往來踪跡科臣熊德
陽力言事毋妄指蒙旨調外搜訪將才駙馬王嵩招練京
兵
夏四月張孔教李若珪楊漣為吏兵禮都給事中安屯避
難遼民刑部尚書王紀左都御史鄒元標大理寺卿周應
秋等會審經畧熊廷弼巡撫王化貞並以失地坐大辟大
學士沈灌亦疏經臣大錯高出胡嘉棟韓初命肆市禮部
尚書孫慎行極論舊輔方從哲不臣之罪從哲自請褫奪
不允兵部尚書黃克纘為從哲疏解御史張慎言復佐慎
行劾之及會議御史江日彩等論從哲紅丸賞奸移宮意

緩。但挺擊。則刑法與議論。而存從哲。無預。詔撤寶和店稅。
五月。起岳元聲。光祿少卿。御史周守建。陳時事。四非內論。
太監魏進。忠目不識一丁。心不諳大義。頻。咲之際。漸與相。
親。勢。又。內。外。互。相。水。火。亦。復。互。相。雷。同。離。間。之。漸。起。於。繩。
營。諛。構。之。端。生。於。長。舌。不。可。不。慮。降。科。臣。倪。思。輝。朱。欽。相。
按察司知事。御史王心一。布政司都事。陸毛。文龍。總兵官。
復諸言。遼事罪臣馮三元。張修德。劉廷宣。郭鞏等。江西妖。
民程鵬。伏誅。貴州水西土酋安那彥。互。都司楊明廷。李天。
常。各全軍。敗。攻。陷。龍。里。甕。安。圍。省。城。山。東。白。蓮。教。妖。賊。
徐鴻儒等。作亂。破。鄆。城。及。鄒。滕。等。縣。魯王捐賞保城。撫臣。

趙彥遣都司廖棟破武城賊巢報捷。川師復永寧窮追破
 蘭州賊巢賊崇明父子走水西安邠彥合難六月追給方
 孝孺祭葬祠謚詔准郵錄一等復職贈蔭馮應京等九員
 係議礦稅冊立逮覽者二等復職贈官顧憲成等六十六
 員係諫議謫降者詔考選不拘資格科貢亦典川師克復
 渝城科臣汪慶百彭汝楠沈惟炳次第追論紅丸汝楠坐
 罰俸御史徐景濂等為從哲曲解御史方有度復爭之於
 是尚書張問達等汪應蛟姚思仁侍郎李守廷等陳大道
 張經世陳邠御史高攀龍等周應秋蕭近高陳于廷張
 瞻丁懋選御史侯恂等蔣允
 事中魏大中等劉弘化沈應時韓維思御史侯恂等蔣允
陳爾治郭興治霍守典

五。或專糾。或與議。約百二十餘人。大率從提擊紅丸移
宮三案。追罪鄭國泰。鄭養性。及崔文昇。李可灼。并請原王
之案。左先斗楊濂等。謂輔臣從哲不能無黨。鄭之嫌。閣臣
沈灌以人言請告去。時盜藏內侍劉朝等。總恃刑部尚書
黃克纘。曲庇御史宗師。襄復發之。而科臣毛士龍以抄恭
坐削籍。已李可灼遠戍涓潭。賊王倫降。復鄆城。鉅野。免磁
稅。

秋七月。山東妖賊黨梗運道。詔護漕。侍郎高攀龍。恭陳聖
學。復及三案。坐罰俸。奸細劉一猷。杜茂等。再訊。無僇。卜年
通外。口供。有旨嚴擬。輒坐尚書王紀。違慢。支吾。奪職。為民。

閣臣向高申救不聽小東妖賊攻曲阜不利去隨擒斬賊

首李有安孟光漢等於沙溝奪回糧艘淮兵驅斬夏鎮妖

賊運道通禮部尚書孫慎行病歸兵部尚書黃克纘並乞

賜免副總兵毛文龍駐皮嶺與諸島樟子島鹿島石城廣祿長山諸島相聯

絡太僕少卿辜朝薦疏國是顛倒語侵化貞罷為民陞李

若珪楊濂皆太僕大崇教等七寺刺麻班就頡行三十六

人入貢監軍游士任稱遼東之禍起于袁應春之納降彘

殘民以致發難廣寧之禍起於王化貞之陟西酋悞恃而

輒喙奔吐落職妖賊丁和志倡亂武邑諸處保定撫臣張

鳳翔請增兵調餉以資勦禦詔勘平邊文龍兵事還報賊

敵不足牽敵有餘行邊太學士孫承宗自請督理關城兵
務乃以閻鳴泰巡撫遼東山海等處改王在晉南兵部尚
書三法司會審監軍佟十年擬成杜茂劉一獻劉得功竇
承武等俱付西市左都御史鄒元標與副都馮從吾議開
壇講學兵科朱童蒙奏尼之遂並疏講學原非門戶請罷
尔不許九月冊封信王凌冊范氏為慧妃西酋光慈就款
拱兔互青幸養抄花隨就款抽扣就款不堅哈喇慎白顏
台吉求款不與其五路頭目盡歸後金無款而虎賁之款
方請渡副總兵毛文龍獲東間五人口稱朝鮮所遣國王
李暉有疏陳辭

冬十月、紅巖城彭湖倫之川湖總督張我績獻樊籠等捷、
賊復猖獗、遵義不守、貴州巡按史永安稱安苗叛逆、萬難
招撫、速新撫臣切、贈袁應泰兵部尚書、典祭葬、蔭一子、奉
衛正十戶世襲、贈援遼土司彭象一、門死事、科薦耆碩舉
人李維楨、許擢用、擒獲海盜、山東妖賊徐鴻儒平、總兵楊
肇基功多、左都御史鄧元標、四疏病歸、翰林院脩撰文震
孟、敬陳勤政講學二事、庶吉士鄭昂隨、論留中、內降二弊、
為竊矣之漸、上怒、坐震孟疏中傀儡二字、以為藐、棄、坐、昂
護同鄉、俱降級、調外、閣臣揭救、報聞、御史蔣允儀請、杜擅
竊、免立枷、寬詞臣、禁冀語、并復刺重慶倪思輝、朱欽、相王心

一四臣原官不報十二月賊邦彥圍黔城中糧絕兵飢斗
米四十金守者人相食不變巡撫史永安告急詔劉超以
總兵援黔總兵楊愈懋指揮管良相戰城下死之撫臣王
三善以兵至奪龍里黔圍解師次宅溪擊殺賊首安邦俊
等賊首邦彥走陸廣左都御史趙南星疏計典捐成心而
破門戶為第一解

天啓三年癸亥春正月副總兵毛文龍擅行舉劾作四六
考語自牽執督餉部院登萊巡撫以下以及朝舞君臣咸
預昔餉御史江日彩疏爭非制黔師敗績陸廣之鴨池三
月南科臣徐憲卿論救時之相毋首鼠兩端務內外兼

時內臣行邊。動數十人。閣部承序。非制不聽。御史霍鏐復陳三案。以為兩朝實錄。不宜遣就。報聞。以太監魏進忠管東廠事。

夏四月。大敗賊安邦彥。焚其圍寨四百餘處。賊保水西。御史彭鯤化議。咸加派報聞。與毛文龍。總兵卞賜。上方劍。便宜行。御史朱師襄謂。文龍。兵微。勢左。有小才。而無大略。可以瞰敵。并未可以制敵。若欲獨倚成事。而視督師。閔上為可有可無。是治標而忘其本也。報聞。黔兵克復遵義。賊安鑾率妻子部眾來降。黔平。朝鮮國王李暉為其侄。李綜所募。六月。羅平沙賊作亂。雲南巡撫閔洪學發兵擒雷益。

首叛平之。戶科羅尚志請補建文編年及贈邱景清等。陳迪

黃觀、黃錢、王良、銑、練子寧、陳思賢

秋七月，南御史李希孔再追三案，請折邪議，以定兩朝實

錄。不報。原總兵劉興祚塔即愛歸後金，為守瀋州。時潛約以

城內屬。為備禦王丙所洩。見殺。川師克蘭州，報捷。八月，貴

州巡撫王三善除賊，獲翼獻俘。九月，麻羊島守備張盤鼓

難氏，襲復金州。總兵文龍奏滿浦昌城之捷。南御史趙

期等合疏，有云：婦寺子侄世爵，冒濫恩，不可俸。遼東巡撫

張鳳翼疏，守遼長策，以山海為家，當以前屯為門戶。寧遠

為哨援。一片石、芝蔴灣為左右翼，共置兵二萬。此正著也。

進之前屯為家當以寧遠為門戶。廣寧為哨樞。興水城覺
華島為左右翼。亦屯兵二萬。此奇著也。以毛文龍為前茅。
沈有容為中權。查國芳為後勁。舳艫相望。風訊時通。聲言
水攻老寨。陸取新城。此虛著也。正以待其來。奇以俟其變。
虛以亂其謀。是為守関。至計。閣部承宗是之。主事譚謹益
薦異才宋鳴時。鳴時需兵一萬能以神兵恢復全遼。同官鄒維璉。歷數古神
兵無驗。止之。

冬十月。皇子生。諭停刑。推恩陞皇親新安伯王升為侯。加
閣部尚高燝。宗彥秉謙。廣微各恩。廕有差。逮登萊巡撫陶
副先。閏十月。核遼東二十五衛官舍食糧補襲權例。總兵

文龍零報京馬佃牛毛烏鷄高嶺沙松牌等捷南京齊府
庶宗睿鑑與監生陳昂相謀逆事覺捕繫蘭賊與水西復
合窺遵永屬彞哈喇慎部郎素貴英犯山右郎素係良昂貴英其頭目
景閣部承宗遣諭恭順并讓奈台吉俾令解戢提兵文龍
疏請用兵五萬可以完遼乞餉急東間叛將韓宗功等伏
法永寧大捷川貴總督張我績病免以楊述中代之
天啓四年甲子春正月撫臣王三善親至大方降者千計
破龍場獲賊首奢崇輝三善還省中道為降賊陳其愚所
害石砮秦明屏從死上聞勅固守遵永以蔡復一代楊述
中為總督盜殺長興知縣石有恒王薄徐可行獲賊首吳

野樵伏法。贈廢優叙。御史張鏞論三善閣而疏於計。請罪
總督鎮臣。述中回籍聽勘。閣臣向高揭。以還文震孟諸臣
不允。二月。免川廣閩浙香稅。閣部承守。請毋疑島帥文龍
報功不實。第擾之苦不能深入。且曰。所捕獲奸細之口。不
足據。川督朱榮元議處。蘭地。謂永寧一塊土。西至建武。東
至遵義。蜀自郡縣。黔仍衛所。必唇齒合力為便。薊遼總督
王象乾病歸。以內監魏忠賢緝獲偽造印劄。開礦盜鞘等
功。廕弟任一人。錦衣百戶。御史朱禎漢疏。爵廕不宜輕畀。
留中。蘄州府同知楊姜忤織造太監李實。被革。應天巡撫
周起元發寔違擅侵漁諸弊。御史李應昇疏奏時事。謂紆政

不施。則二監不去。復請急免。併征。不報。獲妖首王好善。杭州兵變。革乞恩。寬選例。

夏四月。獲龍華會妖党金科馬永伏法。守金川都司張盤。戰捷旅順堡。刑科傅梲直訐。憲臣左光斗科。臣魏大中。曲庇內閣中書汪文。言線索招搖。點污禁近。并及內監王安。有旨。逮文。言獄訊。光斗遂發梲。冒認東廠。傳繼教為兄弟。窟穴深藏。株連清望。乞罷。不許。大中方起在道。馳疏辯。有旨。到任。供職。臺臣素化。中科。臣甄淑。相繼疏。白光斗等。首輔向高。引罪。乞歸。因言。官之訐。奏。彙。不可開。駕。帖。之。拿人。漸。不可長。有旨。慰留。大理寺少卿范濟。世請封。選侍李

氏為貴妃，詔誕晏寃，指使奉內旨。魏大中傳擢互叅未結，大中安得到任，面息典初供職之旨，反以許顯純掌北鎮撫理刑，進鄒維連吏部考功郎。時邪議紛起，御史黃尊素既白之首輔，向高乞歸。二十一疏有云：同官諸臣，擬全垂統，非皇上意，而欲責臣平反。主持臣不能為也。福寧州軍變，禁私鑄，嚴朝覲，官員科斂，餽送之禁，言官周之綱許譽卿劉廷佐交章請勿輕用立枷之刑，以都督田爾耕緝捕人命一起功。廕一子錦衣衛百戶，加東廠太監忠賢原廕，侄男三級。六月，科臣許譽卿奏免龍華蛇山株連羅織之累。同官章允儒請核內地之兵餉，裁內地之恩廕。中旨

魏廣微顧秉謙朱國楨朱廷禧入東閣辦事左副都御史

楊濂極疏逆璫魏忠賢二十四罪忠賢為留中不下辭殿

乞罷矯旨慰留仍嚴旨切責濂於是廷臣義憤先後續疏

科道則有魏大中等陳良訓袁化中周芹建李應昇黃尊

壯俞思恂胡承順胡良機朱大典陳奇瑜翟學程熊奮渭

劉之待段國璋崔守典甄淑孫紹統周汝弼吳和業劉其

忠陳熙昌劉懋王政新李先春潘士良南科道則有徐憲

卿等趙應期兵部尚書趙彥詹事翁正春太常卿胡世常

太僕卿朱欽相撫軍侯朱國弼及南京公疏兵部尚書陳

道亨侍郎岳元聲等或專或合無不危悚急切俱奉嚴旨

朱國弼以削奪停祿復嚴究代書人役時魏黨錦衣陳思

恭亦反。戈糾論首輔向高微。論忠賢謝退。立召王紀文震
孟等。以息衆論。不可得。輔臣廣微已附。忠賢同籍。恐諸臣
面奏。勸上不視朝者三日。工部郎中范燦以請監銅忤忠
賢。矯旨杖一百。為民。閹臣向高尚書陳長祚等方疏救。而
燦不勝刑。卒。御史李應昇請。死不報。杖汪文言。罷為民。御
史林翥以忤璫被逮。杖削職。都御史孫瑋等各御史潘雲
翼等疏救。不聽。河決徐城。隕陷。建新城於雲山。議盤江上
下。設州官一。遊擊一。以通黔鎮。封光廟選侍傅氏為懿妃。
上必封選侍李氏為康妃。
秋七月。詔進大學演義補許大學士。葉向高致仕。疏辭。先

之以寡欲。尤倦於委任大臣。優容言者。裁停織造。特免
內操數事。皇子女。四一歲。相繼不育。科臣劉懋借端懇免
內操。不聽。賑山東江南水旱災民。帝不豫。改明年二月視
學。島帥提把骨寨。骨皮峪。分水鎮等處。八月。褒封五經博
士孟所譽。母張氏。貞懿。行耕籍禮。申明會典。與服之禁。御
史袁化中。叅錦衣陳居恭。落職。署國子監祭酒。蕭毅中。率
監丞金維基。以下各官。稱合監師生千百餘人。請免。忠賢
二十四罪。以導祖訓。隨請告。不允。九月。郵黔撫王三善。并
諸郵俱行。總兵文龍。報捷獻俘。董臣袁化中。以所俘豹。取
五人外。子女。把託粘既等九人。例俱免死。遂判海外諸捷。

非○関○斬○將○奪○城○之○功○允○所○俘○侯○李○修○二○俘○至○一○體○告○廟○稱○
賀○閣○部○承○旨○請○城○戍○累○臣○楊○鎬○熊○廷○弼○王○化○貞○不○許○叙○関○
外○勞○臣○副○總○兵○趙○率○教○開○前○屯○滿○桂○開○寧○遠○草○昧○創○起○招○
抹○屯○輯○功○不○可○沒○各○陞○正○總○兵○官○鄒○泗○盜○平○總○督○魯○欽○克○
岩○頭○寨○餉○道○通○破○平○茶○

冬○十○月○獲○玉○璽○於○津○河○左○都○御○史○高○攀○龍○發○淮○揚○巡○撫○崔○
呈○秀○貪○污○諸○狀○奉○旨○革○職○行○撫○按○聽○勘○福○建○巡○撫○南○居○益○
遣○兵○破○彭○湖○曩○走○之○焚○其○城○吏○部○尚○書○趙○南○星○左○都○御○史○
高○攀○龍○乞○罷○許○之○初○山○西○巡○撫○員○秩○南○星○欲○以○太○常○卿○謝○
應○祥○補○之○吏○科○魏○大○中○吏○部○夏○嘉○遇○合○贛○御○史○陳○九○疇○論○

應祥昏髦。科在沈惟炳頗袒高趙。訐辯不已。詔大中嘉遇。九疇惟炳咸降級調外會勘。臣俱得罪。大學士韓爌朱國禎等揭救。且曰御批經義不復到閣。而憲臣一疏。票帖又蒙御筆改移。大駭聽聞。有傷國體。有旨。尔為朋比不聽。言官謝文錦許譽卿次第疏救。報聞。吏部文選考功二郎中張光前鄒維璉咸引罪求免。不久。先是閣臣魏廣微不拜正朔。廟祭禮畢而後至。御史李應昇直指無禮。負罪愈驕。忤旨。坐罰俸。至是廣微遂附忠賢。恐唱圖報復。十一月會推吏部尚書侍郎陳于廷等。列喬允升馮從吾汪應蛟名上。奉中旨。所推仍是趙南星擬用私人。復指于廷及楊濂

左光斗、鉗制衆正、扶同抗旨、俱革職、為民表化、中亦坐黨、
庇、及張光前房可壯引罪、並降、調刑部尚書、允昇病歸、中
旨起、崔景榮吏部尚書、加太子太保、李守延吏部尚書、掌
都察院事、科臣陳良訓、以為廢會、推非祖制、降三級、調外
科、臣劉先春、力請、旨用原都御史鄒元標、不報、閣部承守
遣院道鎮等官、以兵東巡、至廣寧、歷錦州、抵右屯、還寧遠、
請入朝、面陳机宜、不許、中旨加毛文龍、左都督、所屬率加
官、優卹陣亡將士、歲運銀米各二十萬、責相機進取、後金
承芳移書、招文龍、文龍以原書上聞、閣臣韓爌蒙旨、遣責、
病歸、十二月、御史梁夢環條奏、計典、旨還、臺臣賈繼春、徐

景濂王志道等

天啟五年乙丑春正月、左副都御史喬應甲請破除門戶、以李三才為黨魁、張問達、趙南星、高攀龍、曹于汭、段然、葉為羽翼。二月、御史楊維垣追論張差事、劾刑部侍郎王之寀、誣皇祖、負先帝、坐之、寀革職、追奪誥命、太僕寺丞徐大化論楊濂、左光斗黨同伐異、招權納賄、詔廷文言、刊日、審明追贓。三月、後金破旅順、守將張盤、朱國昌死之。時金州已失、登萊孤露、上視學、竹釋奠先師禮、賊安效良執其黨安應龍就款。黔將魯欽、劉超等深入水西、敗績、欽自經。督臣蔡復一自劾、疏協援無力、請專制冊封、叛者李綜為斬。

朝鮮國王、錦衣衛鎮撫許顯純等勘問汪文言獄詞、連趙

南星、楊濂、左光斗、魏大中、繆昌期、袁化中、惠世揚等。王之

士龍、郭維、鄧漢、盧化、鰲、夏之、錢大抵誣捏為三案、報

復、並誣楊熊二、經畧入贖、停刑、內監王安因緣、壞法、於是

周朝瑞、黃龍光、顧大章等、亦以求緩、楊熊、獄附入、而遮等

六人。光斗、化中、大詔獄、追贓、其餘各官、趙南星等、俱削籍、

外撫按題問、追贓具奏。

夏四月、科臣霍維華、描摹三案、以實諸人之罪、請宣付史

館、以便實錄、名曰三朝要典、指孫慎行等。劉一燾、周嘉謨

之、宋、陸、大、受、張、問線索、王安為三案中邪黨、指方從哲等、達、鄒、元、標、鍾、羽、正

黃克績、徐景濂、汪慶百、劉廷元、唐嗣美、曾道唯、岳駿聲、為主持三案正人、至以江西

監生楊維休、泰昌日錄一書、謂諸臣潛授意旨、并訊五月、

御史顧宇孟請嚴債帥之禁、罷三科武舉之用、御史張樞

極陳駟弊、駟馬竟宜官養、勿輕食派、

秋七月、烏雷水藺三逆復合犯雷益、敗走之、擒賊首安應

龍、御史倪文煥痛指東林、有旨、李三才、周順昌、林枝喬、李

日宣俱削職、為民、追奪誥命、有駐者撫按提比、毀書院、以

示朋黨之戒、吏部尚書崔景榮病歸、時館選、奕滋、御史薛

國觀請、忠慎如兩、關山東巡撫武之望、擬旅順築南關、以

固登萊、部題張板往協守、島帥文龍、返撤原協、張繼善歸

意孤。板撫鎮不協。兵部奉旨酌議。在繼善實視旅順。為畏
塗。而反託張板之爭。駐自速其歸。文龍實置旅順於度外。
而反乘部遣之改屬。用掩其棄。八月。御史石三畏。追論辛
亥京察。李三才顧憲成為禍始。至癸亥。趙南星張問。達繼
之。請被察於倫等一體起用。而借深害人。曹於汴等。畫數
殛處部。郎曹欽程。初附東林。至是反塗。以自解。科臣吳國
華。糾欽程貪險。不問。有旨。國華與周詩雅。熊江並革職。為民科
臣李魯生。請以首善書院。改作葆忠祠。御史張訥。因請盡
廢天下講堂。并請處分孫慎行。馮從吾。俞懋衡。三大頭目。
俱得俞旨。原任左副都楊濂。及左光斗。周朝瑞。魏大中。袁

化中汪文言先後卒。倣以周如盤、丁紹、軾、黃立極、馮銓俱入閣辦事。島帥毛文龍獻俘中塞，更換科臣楊文岳疏論報聞。閣部承宗汰閣門冗兵。歲省餉七萬有奇。上日講畢，閣臣紹軾出，有像遼東傳一帙，曰：此熊廷弼所作掩敗飾功希脫罪上怒傳刑官即決傳首九邊。隨有圖照縉紳一冊、天鑿錄、同志錄、點將錄、分別門戶、最清無一漏者。閣部承宗遣總兵馬世龍等過河，省撰遇伏。總兵魯之甲、叅將李承先、中軍錢應科或死之。世龍坐削奪。中旨蘓琰、余合、中林一柱原官起用。賜太監魏忠賢印章。冬十月，皇子生。禮部頒賀表成式於天下。以兵部尚書高

第經畧遼東、辦事中書吳懷賢坐、評贊揚連二十四罪疏稿。及移書稱許、逮獄掠死十一月、詔順闕城成、以兵部尚書趙彥山東平賊、非其功、奪世廕殿路碑、生祠、詔以殿工果枉初建恩例、內臣忠賢加米一千二百石、崔呈秀陞工部右侍郎、黃克纘加俸一級、李養德加通政使、楊夢家改太僕寺卿、御史潘汝禎、李時馨、疏叅刑部侍郎朱世守、熊明遇、大理寺卿楊一鵬、兵部侍郎劉策、布政使陸完學、咸指為東林、健足坐詞、臣陳子壯、試錄訊訛、并其父科、臣熙昌、刑職、追奪誥命、坐原任吏部尚書趙南星、納賄、執訊、遣戍、巡撫郭尚友、恐南星、授年踰七十、收贖之例、後叅其子清

行、甥王中、龐并罪、追、駐主事彭參、疏前任知府陳標、同知徐日升、中、旨、彭、恭原係左光斗私人、反噬、求解、參、標、日升、並、削奪楊州知府劉鐸、以題詩便面、涉、訛、訛、被、逮、總兵文龍、獻俘、詔、以、零、級、不、受、獻、時、登、撫、武、之、望、與、烏、帥、文、龍、不、和、文、龍、又、與、朝、鮮、不、和、降、旨、調、協、尋、改、之、望、南、兵、部、添、設、侍、郎、以、楊、麒、為、總、兵、鎮、守、山、海、經、畧、遼、東、又、經、畧、高、第、疏、爭、執、掌、以、申、用、懋、為、順、天、巡、撫、禮、部、尚、書、薛、三、才、乞、休、許、之、以、錦、衣、衛、李、不、矜、周、顯、祚、王、受、善、等、依、傍、門、戶、坐、削、籍、時、指、東、林、首、事、以、為、五、鬼、御、史、羅、承、欽、直、許、顧、憲、成、李、三、才、趙、南、星、為、渠、魁、以、王、圖、孫、慎、行、高、攀、龍、為、副、帥、以、曹、于

汴湯飛京史記事魏大中素化中等謂之前茅以李朴賀
娘沈正字丁元薦等謂之敢死軍人以孫丕揚鄒元標為
土木魔神御史吳裕中再糾次輔丁紹軾上以紹軾初論
廷弼公忠坐裕中報復削奪特楊濂等五人皆死獄而方
震孺獨以皇嗣恩獲免定成趙南星孫慎行熊明遇黃龍
光鄧漢鄒維連徐良彥張慎言等

天啓六年丙寅春正月御史曹欽程削奪中旨各化官輸莊
延玩不論生死著嚴比家屬遼東經畧高第疏榆關修守
宜嚴寧前兵備素崇煥禦東師寧遠城下大捷二月陞崇
煥僉都御史巡撫遼東山海地方滿桂趙率教實授總兵

加都督同知、以石三畏初薦舉失當、坐削籍、以部臣孫元
化製西洋砲、以資防禦、鹵部大駕、工完、魏忠賢、加息三等、
廕弟、任一人、都督僉事、劉忠、加息二等、廕弟、任一人、錦衣
正百戶、覺華島有失、以總兵楊麒不援、削職、為民、侍郎崔
呈秀、頌忠、賢、蠲年例、免風道、緝獲有功、昂建、多績、加勅、獎
賚、廕弟、任一人、都督僉事、時、魏黨、倣、太監、李、實、出名、誣、奏
都御史、周、起、元、等、六、人、自宗建、終、呂、朝、高、攀、
魏、李、應、昇、黃、尊、素、除宗建、昌、期、
已解外、餘、盡、逮、詔、獄、獲、東、歸、李、永、芳、婿、武、長、春、等、重、擬、有
旨、魏、忠、賢、緝、獲、奸、細、功、比、封、疆、封、其、任、良、鄉、太、子、太、保、左、
都、督、肅、寧、伯、世、襲、祿、一、十、一、百、石、予、券、給、良、鄉、四、代、誥、命

及養贍地七百頃。三月，朶顏等衛夷人妙朶兒進貢，經畧
高第病歸，御史李九官請久任閔畿督撫鎮道諸臣。發內
帑四萬兩，各宮眷監局共捐銀十六萬兩，并內貯兵器火
藥，閔門應用，以司禮秉筆太監劉應坤提督忠勇營鎮守
小海閔，御馬監太監陶文紀用為左右鎮守，九戰守機宜，
俱得預議。又以揚國棟、梁柱、朝、渠、家、禎、王、繼、省、何、汝、賓、充
總兵官，鎮守登萊、陝西、大同、保定、廣東等處。閣部言不便。
者有四：不聽科臣薛國觀等十二人，御史牟志夔等二十
四人相繼疏諫。報聞，獲奸細王用行、蔭忠、賢、弟、任、一、人、都
督、同、知、工、部、侍、郎、呈、秀、從、陳、要、典、之、原、起、於、丁、卯、止、於、辛

高自建儲以及挺擊紅丸移宮三案連及熊廷弼而冠之
以御製序書成閣臣顧秉謙奏三朝要典對閱非人有旨
鄭崇光周大成閑住汪汝祥汪樹係文言言黨坐削奪冊
封任氏為容妃改經畧王之臣以新啣總理遼東薊鎮天
津登萊等處代閩鳴泰御史李懋芳劾罷开詩教封西洋
砲為安國全軍平遼請鹵大將軍遣官致祭時科臣黃承
昊請散遣遼人出關撫臣袁崇煥欲倚以外禦廟議姑撫
安首以專東事科臣楊所修請臚三案中所有章奏編次
刊行

夏四月詔讓島帥文龍牽制不力且曰東師深入所駐須

吳中集
卷之六
三

彌島。遠不及知，着自行回奏。原左都高攀龍速急潛自殺。遼撫崇煥酌定兩鎮職任，以便責成。總兵滿桂駐寧遠為前鋒，總兵趙率教駐前屯為後勁。大叙寧前功，閣輔秉謙等與閱師承宗咸加進。世廕有差，廠臣忠賢加恩三等廕弟侄一人。錦衣指揮使世襲其先，解軍器內侍劉應坤等皆加恩。世襲袁崇煥加兵部右侍郎，與王永光皆廕一子。錦衣正千戶世襲滿桂，趙率教各右都督廕一子，奉衛副千戶世襲左輔祖大舜以上皆陞賞有差。周順昌方奉旨被逮，吳郡士民闕起毆殺官旗李國柱。詔贈劉光復太常寺卿，廕一子入監。清察京營軍馬賊安邦彥率衆渡江攻

點總理魯欽戰不勝死之刑部左侍郎沈演內治一疏有
洒濯更始法必麗情等語坐削奪繆昌期卒於獄王宮廠
火傷人無數詔內外修省東師渡河警島帥報會安堡之
捷鹵首千兒罵同伊母麻吉娘子執舊帖索賞延綏不與
以總兵左輔代滿挂所轄巡按貴州傅宗龍奏點師大捷
敗賊於河沙壩于趙官堡水內外賊遁歸六月祈雨而降
大學士丁紹軾卒安插抄花遺衆來歸者工禮二部請給
魏忠賢魏大用魏志敏魏釗等祖先祭墓誥命得旨俱照
伯爵例行周順昌周宗建黃尊素李應昇先後卒於獄閩
六月皇子薨逝御史陳朝輔糾閣臣馮銓准銓回籍歛縣

吳萊許吳養春抗占黃山、敵臣忠賢疏聞、行撫按變價助
工、廢忠賢弟侄一人、錦衣世指揮使浙江巡撫潘汝禎倡
請建立魏忠賢生祠、於是各處建造、奉旨命名、黔督朱燮
元艱歸、以閔夢得代、控制五省、文書房遞出黑字揭帖、聖
旨送三朝要典、皇史宬收之、追鹵首黑炭等牛心、山、頗有
斬馘免、天啓元年以前、帶徵錢糧、勅總兵趙率教移鎮寧
遠、後金侵、併西鹵、抄花部、初、攻殺昂奴、并殺抄花侄囊路
台吉、於善養木、又別哨粘花子、互安兒營、不利去、於是再
侵、抄花、抄花、空營、走去、總督倉場薛貞疏稱、魏忠賢、枚草
場雷火有功、加原廢二級、坐臺臣溫國奇徇情、劉鐸一案、

間住。

秋七月、總兵滿桂掛征南將軍印、鎮守山海、駐紮關門、兼
晉四路、中旨施鳳來、張瑞圖、李國楮、俱以禮部尚書入閣
辦事、五省督臣、閱洪學間、致賊安、効良、縛安、應龍、以獻、曲
清道、王謨、殘獻者之使、効良心、恨、叛去、島帥報大石門七
道河之捷、坐方景陽、妖人律、同劉鐸、曾雲龍、彭文炳、劉福
處決、辛雲、遣戍、司官高默、等、讞、遲降、三級、調外、忠賢、執男
子徐自強、中傷、戚、畹、張、國、紀、有旨、國紀、誤用、匪人、連行省
改、自強、擬、大辟、後、金、更、立、遼、撫、崇、煥、請、開、門、主、守、勿、輕、戰、
許之、九月、皇極殿、告成、原、廣、西、副、使、曹、學、佐、嘗、著、野、史、紀

畧典要典指異左副都御史劉廷元發之學全坐削籍編
脩姜曰廣工科王夢尹便道閱江東稱文龍但偏鋒以正
決即文龍亦不能自信以閱閱功晉忠賢侄良卿為肅寧
侯劉應坤等於原廢加陞旅順兵變守將李鏞逃
冬十月毛首乞炭挾賞闕邊叅將張承憲戰歿議曲阜知
縣不由保授得用舉監銓考順天撫臣劉志選復許戚臣
張國紀忤惡再蒙切責東充道曹文衡計擒賊首鄭江東
省以寧叙殿功魏忠賢晉秩為上公仍加恩三等子良卿
晉為寧國公世襲遼督袁崇煥請遣喇嘛僧錙南木座等
徃後金偵間直隸巡按梁夢環頌璫中旨廢忠賢孫魏鵬

翼、錦衣世襲指揮僉事、王体軋以下、梁桂石、化琳、涂文弼、
李文學、劉學孟、李之榮、俱廕指揮僉事、世襲十一月、東師
殘、鉄山及雲從島、都司毛有德、毛有見、死之。文、龍、隻身走
東師、因破朝鮮安州、義州等處、兵民薙髮向順、朝鮮告急、
請援、梁夢環、恭同族梁克順、削奪、以緝獲功、廕忠賢弟侄
一人、錦衣指揮使、世襲、都督田爾耕、加原廕、正千戶、陞二
級、許顯純、陞右都督、崔應元、右都督、管司事、以張鶴鳴、代
閩、洪學、總督川貴、滇楚、粵西軍務、十二月、瑞、惠、桂、三王之
國、閩、賊、楊六、就撫、陞邵輔忠、兵部尚書、仍管左侍郎事、總
督、閩、鳴、泰、加太子太保、兵部尚書、兼右副都御史、理遼餉、

黃泰運戶部尚書數年來黨禍專中東林朝聞夕下捷於呼吸借三案為名坐門戶二字其自病致以往聞佳削奪提究獄斃追贖無虛日而主搏擊者為科臣傅魁霍維華李魯生蘇屯先卓邁潘士聞趙興邪楊所聞阮大鍼等臺臣為倪文煥梁夢環徐復揚李燦然潘汝禎楊維垣李如馨王業浩徐揚先梁克順張訥石三畏盧承欽陳以瑞劉宏先李懋芳何可及趙胤昌等部臣為曹欽臣徐良彥胡芳桂等至於侍郎崔呈秀都御史喬應甲劉廷元卿寺徐大化吳殿邦等尤為諸奸領袖乃彈射所不及中旨附及之不勝數

天啓七年丁卯春正月朔上御新殿受朝賀內臣徐文輔
總督太倉節慎等庫崔文昇總督漕運蔡核京通等倉李
明道督通河道咸給閱防促遼帥毛文龍出師連雲島戰
捷有功文武李嵩岳駿聲楊國棟俱加級陞賞盜竊天壇
神器嚴緝之西鹵恭順求款信王婚辭免贍田二頃寺正
許志吉請行各省追比吳養春夥伴親屬以足贓數中旨
督臣王之臣加卿回部主運籌督臣閔鳴泰駐扎薊鎮主
策應撫臣素崇煥內鎮臣紀用同道臣畢自肅總兵趙率
教俱駐寧遠崇煥用俱得便宜行閱門兵馬許崇煥督率
調度其內鎮臣劉應坤同滿桂駐閱門亦便宜行務宜協

心毋忤。太監胡良輔提督登津、鎮守海外等處。便宜行。詔太監苗成等駐扎皮島等處。催督餉運。選練兵馬。與毛帥協理軍務。川撫尹同昇奏恭將楊明輝牲招安。任使內亂。明輝為賊首安邦彥所殺。三月。備築董家口。防阻東師。駐牧澄城。知縣張斗耀徵糧激變。被殺。行人汪邦維來鳴梧。已點主考。坐門戶間住。

夏四月。主事呂下問督催黃山駐顏妻妾及無干潘家彥。衆憤起。揭竿共殺公役。走破署燬籍。下問潛脫免。詔撤回聽勘。山場逼近皇陵。大火延燒四十餘里。議援朝鮮。文龍報義州晏廷閔口錢山等處之捷。封涿房等礦。屬彛擦漢。

兒以兵侵哈喇。哈喇白言求助。詔和解之。朝鮮義州之敗。江東援將都司毛采顯倡逃。隨叅將高萬重率中軍劉璋等。搶賞貨婦女。劫船海去。都司馬承勛帶兵六百。從陸路西遁。至是。詔文統踪跡之。套酋土賣大力赤等。矮木素等。喇嘛等。合搶井肅。以報三兒台吉之仇。撫鎮王會同徐永壽破走之。東防。勅總兵杜文煥駐寧遠。尤世祿駐錦州。候世祿駐前屯。左輔。加總兵卞。駐大凌河。滿桂仍駐關門。節制四鎮。及燕建四路。賜餼便宜。西僧錫南木座傳後。全書請講。不應。五月。奸人佟惟奇等伏法。東師困雲從島。入圍錦州。平遼總兵趙率教等。堅壁禦之。教退。還薄塔山。滿桂

出師小捷、廣西潯州鵝山賊胡扶紀平。監生陸萬齡請建魏祠、國學之傍。六月、東師攻寧遠、總兵滿桂督副將尤世威、祖大受等大戰、敗走之。錦州總兵趙率教亦報捷。圍解、以鎮守海外內臣胡良輔議、許毛文龍移鎮長山海寇鄭芝龍等犯福建銅山中左等處、釋罪弁竇承武及子濟於獄、撫臣袁崇煥病歸、兵部尚書王之臣出鎮寧遠、賜尚方劔、便宜行、寧遠獻俘、暢力等五十九名、祠死事者。秋七月、上以不豫、免獻俘、正法傳首九邊、命寧國公魏良鄉代行享廟禮、一片石西界忽生鉛礦、許開採、叙寧錦功、魏忠賢加恩三等、廢弟姪錦衣衛指揮使一人、世襲監臣

王體朝梁棟王永貞石元雅王朝輔郝應儒李實崔文昇
徐文輔各廕弟任一人錦衣指揮同知劉用坤以下百人
皆賚廕有差時內外臣稍持身明理負聞望輒不免如賀逢
聖吳姓侯震瑒陳熙昌顧錫疇朱繼祚姜曰廣米萬鍾等
未嘗顯與璫忤羅網勿逸。樞臣請守錦州城塔山備東營
練火器許之。八月三殿告成加寧國公魏良弼太子太保
其伯爵以現任錦衣指揮魏明望承襲封魏鵬翼安平伯
魏良棟東安伯世襲廕奉聖夫人容氏弟另錦衣指揮使
加太子太保禮部請擇言臨御上以方靜攝少需帝大漸
總督劉遠樞臣霍維華獻仙方零葦飲并製法即

房提明王守一等治飲之大醫院吳翼儒不與聞

時維華

己二忠賢妄免幸此一劑帝召皇大弟信王榻前論嗣位

且曰當以堯舜為法二十二日上崩魏忠賢迎信王入王

戒甚宮門閉諸臣不得扈行忠賢坐王一室去俄一奄攜

劍過取視之奄以劍置几許給以賞王懷軋不引大官

庖一黍父之引入喪次次日群臣合詞勸進三讓二十四

日信王即皇帝位以明年為崇禎元年

論曰帝好見弄既即位當東西交困之日耳目不及文

書嘗呼小璫手勤構小室殿階下草為躄躄蒲志或

從西苑挈蓄矢水意狗奉聖即皇儲所以不育者丹不問

後^前詔旨大叛。不察輔臣庸惑。無從一是。於是賢者待理
過堅。以抵觸了致身之局。八禍以起。幸上早厭群臣。頃
之。客氏家有娠宮人。且備內尚。九千歲上公進階。當何
如也。

罪惟錄帝紀卷之十七

毅宗烈皇帝

毅宗烈皇帝名由檢初尊稱思宗尋改天啓中稱信王貞
 皇帝第五子也既即位受百官朝弗賀天鼓鳴許奉聖夫
 人客氏就外宅入哭仁智殿太監魏忠賢辭東廠不許九
 月仍賜寧國公安平伯鉄券叙宣川之功忠賢及崔呈秀
 太監王體乾信却奮監徐應元各廢錦衣衛指揮使御史
 楊維垣疏攻呈秀以有異忠賢不報江西撫按臣合奏請
 祠忠賢如例不許國子監司業朱之後劾監生陸萬齡等
 祠忠賢國學之傷坐不敬逮萬齡獄工部主事陸澄源首

上
書
及
賢

論士習因及忠賢謂功賞自有常典何至寵踰開國至有
司奏事不敢書名殊知君前臣名之體於是兵部主事錢
元懿貢士錢嘉徵等隨直暴忠賢逆狀皆報聞詔傳刑太
常寺少卿阮大鍼左僉都御史賈繼春並反噬忠賢御史
楊維垣卓邁獲參論內監李永貞搃黨以自解上大行皇
帝尊謚召對之制自九月朔日始
冬十月忠賢以衆射死固引疾上溫諭再四十一月降忠
賢淨軍司香鳳陽籍其家成邸監應元之為忠賢曲解者
逮忠賢獄忠賢與名下李朝欽自經阜城逆旅磔其屍鳥
示杖死客氏於浣衣局揚灰籍其家即日都督侯國興寧

國公魏良卿伏誅。罷各處鎮守內臣免追已死各臣贖銀。釋其家屬。追客魏誥券數生祠以六等定魏黨罪。刊布中外。客魏首逆外次同謀為兵部尚書崔呈秀等六人次。結交近侍。都御史劄志選等十九人次。結交近侍降等。大學士魏廣微等十一人次。逆孽軍犯東平。作魏志德等三十五人次。誣附擁戴軍犯內監李寔等十五人次。結交近侍末等配贖。大學士顧秉謙等有二十八人次。祠頌照不謹例。冠帶開任。大學士黃立極等四十四人。內文臣五席。崔呈秀。田吉。吳淳夫。李夔。龍侃。文煥。武臣五彪。田爾耕。許顯純。孫雲鶴。楊寰。崔應元。惟呈。秀爾。耕。顯純。及內監。徐文輔。李

永貞並坐。大辟餘降等。大鉞惟垣繼春邁。卒以魏黨削籍。上猶以所定未及盡其黨。出黃祇章疏一棗宮中。曰此皆逆瑞實錄也。又補入張瑞圖來宗道二人。為七等。其初不輔魏而得罪者。生。死。成。次。第。昭。雪。廷推閣員錢龍錫楊景辰李標周道登劉鴻訓各以尚書入東閣大學士。唯來宗道既推中止。起劉宗周黃道周以原官用。工部尚書楊夢環請停開納事例。罷蘇松織造。詔會典額外官有缺勿陞。凡文臣非正卿武臣非勳爵不得加保傅。御上御便殿。閱章奏。聞異者心動不自制。引步殿外始定。入如故。詰左右侍臣微曰。此宮中秘香也。上大息。曰朕皇考皇兄皆以此

誤知戒勿進。吏部侍郎張捷薦南京都御史唐世濟及兵部尚書吳純如。可冢宰言官盧兆龍張三謨等並起糾純如逆案不可任。事已復。故經畧熊廷弼官謚棄愍。

崇禎元年戊辰春正月。詔內臣俱入直。非奉命不許出禁所。遂嚴結交迎侍之律。追贈忤逆魏周順昌魏大中等。編脩倪元璐以臺臣楊維垣反噬魏崔。奏中_書有無可柰。何不得不然等語。又酷以東林為邪黨。上疏加_之爭_之。禁內外臣民衣錦侈儲。登萊總兵張可大條朝鮮貢道。不_宜月登萊。入從覺華。便島。將毛文龍。挾降彘。索餉登萊。可大却之。御史馬如蛟以災異直陳。請行保舉連坐之法。二月。起前司

賈逢聖起
用
濫字同周世儒

流寇
始

洪承疇

楊鶴

業賀逢聖為南京國子監祭酒、以侍讀學士溫體仁直經
筵、三月、周延儒為禮部右侍郎、川貴二苗奢崇明偽號、大
梁王安邦彥偽號四裔、大長左合犯永寧、起故巡撫朱燮
元為總督、即陣斬二苗、俘數萬、窮追邦彥子安位、降之、陝
西山西大饑、府谷民王嘉楨倡亂、伺水盜王貳等應之、衆
五、六、千、人、為、流、寇、之、始、據、府、谷、殺、遊、擊、李、顯、宗、殘、延、安、慶
陽、等、州、縣、保、黃、龍、山、巡、撫、劉、廣、生、恭、政、洪、承、疇、商、洛、道、劉
應、選、及、鎮、將、杜、文、煥、曹、文、詔、賀、虎、臣、張、應、昌、都、司、曹、變、蛟、
遊、擊、伍、維、籛、等、先、後、分、擊、頗、捷、而、總、督、楊、鶴、諱、盜、急、議、撫
給、免、死、罪、黃、虎、等、數、十、部、安、置、延、綏、西、河、淫、掠、如、故、其、支

藝

紛出不可數。鶴後。拓之。賊酋孫繼業。茹成名等六十餘。部。挿箭設誓。去兵科給事中劉懋言。飢民影響附賊。其勢。日增。而官有聽之。不問。為禍未已。

夏四月。諸款復叛。錢宜君。米脂。維川。中部。延州。青澗。諸州。

縣。邊盜王之順。苗美等。復騷擾德韓城之間。亦間句西。鹵。

入犯。而首盜王嘉衛等。復肆出。破軍。殺將。縱橫千里。五月。

詔以參政承疇為都御史。巡撫延綏。督兵討賊。頗捷。六月。

召對平臺。諭天道亢旱。法宜平久。海內久疲賦役。郡縣毋。

輕調改。許遵祖制。中監輸邊。開西北屯墾。已復正色。諭諸。

臣疆場何事。仗一喇嘛僧講款。爾文武何為者。自是每召。

承疇為都御史

對。多所謹責。幾如訊獄。戶科給事中韓一良奏科道官近

有開市之議。欲以廉清責郡縣。得乎。如臣寡交。兩月以來

辭金五百矣。上以其言直。擢僉都御史。諭止內操。暫令軍

士得給假歸省。

加派
袁崇煥

能去崇煥
之德

秋七月。詔下加派御平臺督師袁崇煥。安月許。五年東事
平。輔臣錢龍錫可其議。九月。是撫熊文燾納海寇。鄭芝龍

岷王被弒

冬十一月。以襄城伯李守鐔總督京營。岷王被弒。不問上

御煖閣。侍讀學士體仁訐詞。臣錢謙益聞節事。逮浙江舉

人錢千秋獄訊。科臣章允儒稱體仁以黨字加諸臣。為歷

代小人害君子大題。併建乞儒。上大行熹宗哲皇帝及
生母劉太后尊謚。詔燬非刑。

崇禎二年己巳春正月。術士申甫言黑氣東北亘西方。中

有白氣二道。為外國兵臨之兆。時流賊四起。給事中薛國

觀請整飭吏治。二月。講官姜曰廣經筵寓諷。勿任情勿信

用小人。三月。遼督袁崇煥奉密命。詭致烏帥毛文龍。殺之。

夏四月。議大用兵討賊。廷臣請捐俸助餉。上曰。諸臣興利

除害。國家受益多矣。助幾何。因議。搜括陝西巡按御史矣。

煥奏陝撫吳廷宴延撫岳和聲。互誘互諱。實釀寇。罷廷宴

等。五月。陝西巡撫孫傳廷討賊。大捷。斬首數千級。降塌子

善廣

殺毛文龍

搜括

撫孫傳廷

現拓養坤等已復叛去妖賊圍登州總兵張可大焚其六
砦執偽國公李成許湯斬之賊平六月御史李長春奏尚
書周延儒營私入賄不報帝自臨御以來益務鏗急舉毫
末多猜任厥徵好訛察刑獄繁作率以黨狗貌抗坐諸臣
吏臣惴惴順天府尹劉宗周疏上請毋見小利而急近功
情詞愷痛科臣凌義渠因極言體群臣子庶民二義報聞
以總兵滿桂錦州之捷授征西將軍印鎮大同御史曹谷
奏白太監王安之寃還原官及田產還萬燦誣贓以旌忠
直賊首閻王高迎祥伏誅其寃推來脂人李自成為閻王
秋七月以司禮太監曹化淳督東廠東師兵入大安口

東師入

孫承宗復起

金

攜桂戮元

劉之痛楚死

東師

遵化不守。兵部尚書王洽伏法。詔天下勤王。起閣部孫承
 宗駐通州。因關門。庶吉士金聲薦同官劉之綸知兵。驟擢
 戎政侍郎。以前中甫言頗驗。給副總兵銜。而改聲御史監
 其軍。京師被圍。遼督袁崇煥以錦鎮祖大壽內援。拜將軍
 滿桂為武經畧。督諸鎮。與祖師犄角。一捷。安定門。收崇煥
 下獄。伏法。祖師東逸。桂戰死。河口之綸敗績。永平失守。之
 綸約總兵馬世龍、吳勉等。合力縱之二軍不至。之綸孤入
 陷陣。死。於是遷安、灤州、建昌連敗。撫寧被圍不下。祖帥為
 東師請講。承宗不許。大捷。雙堡。關門。六城皆復。成。關。平。復。
 建。昌。而。守。之。連。戰。皆。捷。克。灤。州。東。師。從。冷。水。口。出。永。平。遵。

三

七

六

李邦華

黃道周

化亦復再勝遼州。以東首為東師，向導討之。大斬獲，當是
 時，陝西巡撫孫傳庭勤王，已而病歸。其山西巡撫耿如杞
 勤王，師至涿州，潰伏法。潰兵散從賊，罷李邦華兵部尚書，
 上益任內侍，四出總督提協之命。府尹宗周直言，古未有
 官官典兵而不誤國者，因請上開示誠心，以為濟難之本。
 大學士錢龍錫以崇煥連及，詞臣黃道周疏白之，得從減
 死論。時窮，開漁株灾，被日告，或以東林比崔魏，奏罰開復
 葛藤，不休。道周罷歸。

冬十月，以鄭芝龍為遊擊將軍。十一月，河南推官湯開遠
 言今日幾於亂國，用重典矣。宜少做之，不以清吏誅能臣。

周延儒小傳事

吳麟徵王家

序

麟徵王家序

晉周延儒禮部尚書東閣大學士命左中允倪元璐等纂
 修神光燾三廟定錄十二月臺省王家彥吳麟徵金聲次
 第言群臣之意宜通小民之隱宜悉請罷中官免緝事洗
 諫官章正純莊釐獻之寬還故輔文震益爵命復言士大
 夫精銳之氣不宜盡銷爰增殿學之中宜弛寬大俾群臣
 得展布四體一意撫綏不聽麟徵聲咸病免
 崇禎三年庚午春正月總督楊鶴及陝撫劉廣生逐賊王
 子順苗美等已後起犯清澗亂走西川時議核兵乘障者
 群噪而下從賊給事中劉懋請裁驛站同官許國榮御史
 姜思庸爭之不得駟徒無所得食亦走賊二月府尹劉宗周

作佳錄

已七

七

劉學淵書

國朝變社

歷代事

悅元昭聖書

以疾在告。上言陳詔。歎。獨。新。餉。二。事。不。聽。病。歸。令。給。事。中。

清理六曹。毋稽奏報。大學士韓爌為尚寶司卿。原抱奇所

訐。致仕去。三月。復故輔張居正爵。廢賜。故都督戚繼光表

忠祠。添設登萊撫鎮。以孫元化。張可大。填之。

夏五月。賊破金鎖關。殺都司王廉。御史黃道真請。發。賑。以

解。飢。民。之。從。賊。者。不。報。六月。平禮部尚書溫體仁。東閣大

學士。海寇復叛。滅江西宗祿。

秋七月。流賊有陝。入山西。躩平陽。陷河曲等縣。八月。賊首

王嘉胤。敗降。已。復。叛。去。

冬十月。以焦元溥為廣東右布政使。中元元璠請。毀。三。朝。

吳執御馬醫
梁福聖醫制三
事

執御馬醫
梁福聖醫制三
事

要典一書上可之十二月登萊鎮臣張可大敗土賊於朱
橋擒賊首王有才伏誅纂修神廟寔錄成
崇禎四年辛未春正月給事中吳執御甚言加派之害併
及搜括捐助二事御史馮如鼓亦言之不聽執御又言前
遵永之變崇煥靡金錢數萬卒失守而邑令史應張星王
象彞左應選等嬰城不技可知禦賊不在變法而在得人
宜沿邊補賢守令即以本地錢糧訓練土著餉不取償於
司農兵不借援於成卒計無便於此者足議不可乃己二
月召對平臺諭諸臣正己率物愛養百姓又曰巡撫賢則
守令無不育所諄復弭盜為多草江南收稅加耗之弊議

城去

何可剛在去

祖之弟東海

張春

王嘉亂後

城大凌尚書熊明遇等持不可。遼撫立嘉禾大帥祖大壽奉
閣部承宗必行之。東師果大至圍城數匝。援師宋偉吳襄等
敗績長山閣部中軍何可剛自散。大壽精兵七千盡沒。因
所部張存仁東歸。還呼降錦城大壽妻以大義責之大壽
訛復為我守。都督九城如故。監軍張春被執不降。東勅上書
請款。承宗持不可。三月副總兵曹文詒斬首難賊王嘉。榆
於陽城。其黨後推王自用為首。譚稱紫金梁。是時諸賊皆
諱其名。以譚稱動衆。不可數尋。滿天星降於榆林。點燈子
就撫青澗。施冷菴劉六等款於慶陽。輒復叛降賊。獨頭席
擅啓潼關。東走道臣吳其復。猶追贈贖錢九十萬。而副總

楊鶴漢臣

承時德晉三

兵趙大胤報斬賊級五千、驗之皆婦人首也。督臣楊鶴坐撫賊不終、連獄遣戍。大胤落職、以洪承壽總督山陝三邊。張福臻巡撫延綏、副總兵張應昌援保安、賊神一元敗死。第一魁復領其衆、應昌旋又擊解慶陽之圍。一魁來降。夏四月、以旱灾發帑十萬兩賑陝、飢就撫七千人、隨釋。前工部尚書張鳳翔、左副都御史考應昌、御史李長春給事中杜齊芳、都督李如楨於獄。追復李成梁原官。曾孫遵祖續封寧遠伯。降盜不沾泥、復叛、擊走之。五月、登州失守、先是東師圍大凌山、東警原任吏部郎中王象春言天象虛危之分、應有急兵、宜防登萊。詔速遼師入守。次河橋、兵變。

王象春元雅

張瑞元

陳良謨元

張可大自殺

徐從謙元

州

朱萬年附錄

元

召元杖法

連破平慶萊陽等六城。象春一家殉新城。原任開封府推

官張瑞元。蓬萊登門開遊擊陳良謨戰死。時鎮將張可大

主戰。與巡撫孫元化議。撫不協。可大自殺。敵圍萊州。元化

自歸京師。伏法。以謝璉代之。山東巡撫徐從謙治入萊。協守

中。璉卒。知府朱萬年出講不成。見害。并殺璉已。而巡撫朱

大典授至。徵渡海東歸。加大典副都御史。監軍僉事。王徵

詣闕待罪。坐削職。

秋七月。陝賊點燈子東犯。山西沁水縣過竇。忠烈張銓妻

霍率衆乘堡禦。堡令官封其堡為夫人城。八月。科臣吳執

御論劾閣臣延儒攬權壅蔽。私其紳故。三疏留中。九月。詔

監張彞憲
理工二部

大監張彞憲總理工戶二部錢糧工部郎中孫肇興以餉
註劾彞憲坐落職

張允登郭景嵩
死

冬十一月中允倪元璐奏起原詞臣黃道周及府尹劉宗
周不報賊點燈子伏誅趙四平陽稍安十二月井泉賊
陷宜君又陷葭州兵巡道張允登郭景嵩死之時考選後
追校在任缺額戶部尚書畢自嚴坐獄熊開元鄭友玄
俱被謫自是考選專主催科永為例禮部侍郎羅喻義日
講多規輔臣體仁以為違例放歸是年陝賊頗就款於總
督洪承疇聞得李自成及張獻忠六與
崇禎五年壬申春正月秦賊後流入晉山西巡撫都御史羅

罪情錄 卷之十一

郭忠恕元

杜文誥

推宗托說
許鼎臣
許鼎臣

世錦歸咎於秦。謂以隣國為壑。給諫裴君賜。晉人也。請秦之撫鎮。驅賊還秦。而後再議。勦撫寧塞。逋賊復熾。兵道郭應響。殉鄜州。總督承疇。大捷於西澳。副使盧象昇。守保定嚴。每却賊。畿南固。是時陝西總兵賀虎臣。杜文煥。孫興祖。王承恩。副將曹文詔。遊擊伍維藩。都司曹變蛟。各獲勝。斬敵數千。為用兵來所僅見。惟渾天猴尚據湘東。練國事。遂移鎮定州。陝西原任通政使馬鳴世。上言。請以天下安危視秦。勿誤視此賊。為飢民報聞。二月。賊圍河南之懷慶。詔巡撫宋統。啟會宣大總督張宗衡。與承疇合勦。尋罷統。數以許鼎臣代之。紫金梁。左回。等入豫。連破數十縣。湖廣

副將良玉

留後表李寧

王國重死

鄧元身死

初卷

高洪圖

華九歲

副總兵右良玉奉詔北援，收績前後七千餘人。總兵鄧
 玘及石柱馬鳳儀俱陷。巡守道寇從義李寧、王國重死。
 之。遂出禁旅，合擊。總兵尤世威潰，維南賊益盛。御史祁彪
 佳特疏，今六卿之長時蒙切責，勢必脫却以潔身。寇亦揣
 合以保位，內臣分參關令，至於薦及督撫，大非法紀。報聞
 三月，陝賊陷華陰，知縣徐北麒赴任，總五日。逮棄市。工部
 左侍郎高洪圖，以內監張彞憲倨視，疏爭。大體願廢公座，
 而以川堂相賈主忤上意，削籍去。
 夏四月，楚賊自興國入江西。太和德安等處六月，兵部員
 外華九誠言三大可惜，四大可憂。首論次輔體仁與冢宰

閔洪學同鄉朋比并及王化貞之喪師辱國余大成之潔
已愛民忤旨奪俸旋罷歸時上禁抄傳尚密揭御史彪佳
後上疏爭之

東師至宣府

秋七月東師入宣府巡撫沈荃擅與之盟盟書明金並稱
上逮蔭而罷兵部尚書熊明遇聽勘令致仕去以司禮監

監曹化淳提督京營

大監曹化淳提督京營八月曹文詔擊賊井泉走之九月

勦鼠洞免

山西賊破臨縣賊寇豹五等據城復陷修武殺知縣劉鳳
翔掠武陟暉縣圍懷慶上以藩封重地震怒切責河南巡

撫樊尚燝

撫樊尚燝

冬十一月海盜劉香老犯福建小埕遊擊鄭芝龍擊走之

周鑑

袁鑑

監希

閩聖儒克

十二月、停開納例。土賊陷楚鄖陽及上津鎮安、流賊南與
 合。禮部主事周鑣疏內、臣用勑而去。難直指彞憲王坤節
 希韶坐削籍。禮部員外袁繼成疏、救之不聽。以司禮右少
 監劉芳譽提督九門、令百官進馬、三品以上各一匹、下此
 合進有差。上金御馬監。
 崇禎六年癸酉春正月、宣府閱視太監王坤、直糾內閣延
 儒不法。左副都御史王志道、以內臣無侵輔臣體。已言對
 平臺、責志道巧佞。延儒引罪、放歸。二月、詔科道不必盡出
 考選館員。須先知推定。為例。諭吏部舉潛修之士、設內官
 監紀、分入曹左諸營、考功過。

卷五

已下

三

夏六月海賊劉香老復犯長樂

秋七月賊屯彰德汾陽大帥合勦知縣費甲鑣苦於供應

投井死八月陝賊攻隆德殺知縣費彥芳分守固原道陸

夢龍戰綏德城下死之九月總兵張應昌攻賊平山賊魁

一盞燈即張有義

冬十月上親錄囚素服御建極殿時賊盡入晉豫而延綏

賊首鎖天哨開山斧二股猶負固永寧間延綏巡撫陳奇

瑜潛師計搗之斬首六千級焚其巢二賊死復擒賊首一

座城誅之延綏平奇瑜威名頗著是歲山陝大飢

崇禎七年甲戌春正月給事中李世祺坐劾大學士溫體

費彥芳死

陸夢龍陳亮

王親錄囚

陳奇首

李穀勅國公

溫州仁吳并建

降奇齊為五

者從皆

虛家并德順

陽

三條校法防後

莊整敬清撤並

仁吳宗達、謫外、山西提學道、素繼威、疏爭之、坐越職、內批、
 切責、以陳奇瑜為兵部侍郎、總督山陝、川湖、及豫、五省軍、
 務、擢按察使、盧象昇為右僉都御史、巡撫鄖陽、合討楚賊、
 前後斬者五千六百有奇、降盜王剛王之臣、通天柱等、挾、
 賞、延綏戴君恩、誘斬之、共四百餘人、時賊所部婦女倍於、
 男、掃地王流入江北、南兵部尚書呂維祺請、勅淮撫楊一、
 鵬、預防、鳳、泗、承、天、陵、寢、二月、登島、太監魏相以科臣莊鰲、
 獻請撤監視、上書求罷、上怒、鰲獻於外、總理太監彛憲、
 遂請入覲、官授冊、以隆體統、許之、提學道繼威力爭之、蒙、
 切責、三月、山陝又飢、永寧民蘓倚、殺父母、矣、而啖之、詔、

世皇性

孟高皇孫
昔效

賀元

發賑餉五萬、免浙江崇禎三年以前所逋織造、
 夏四月、改吳姓巡撫山西、海寇劉香老犯海豐、五月、陝西
 按察副使賀自鏡奏監紀太監孫茂霖、猘寇宣府、太監王
 坤爭之上、竟不問、六月、江西飢、觀政進士陸運昌上撫字
 八條、下部議、叙禁旅功、廕太監曹化淳、世錦、衣千戶、袁禮
 楊朝選、盧志德、皆有戶罷、各道監視上曰、以信朕之初心、
 惟閔寧密邇外邊、高起潛、兼兩鎮、暨內臣提督、如故、
 秋八月、賊陷洵陽、六七縣、流入四川、陷遷安、還入陝、時楚
 賊十四、五萬、總督洪承疇、總兵賀人龍、劉成功等、次第逐
 北、前後斬首五千六百餘級、賊西入漢中、阻巴西、諸險、連

李奇瑜

趙路昌元

李奇瑜

撫練國事李

喬代其學潤復

代之

李奇瑜以勳書德

替四省二府

兩四十日。飢就款於總督陳奇瑜。奇瑜受之。出險復叛。殺
 監視官五十員。破城數十。咸寧知縣趙躋昌死之。唯高傑
 之降於賀人龍者不叛。陝賊益熾。衆可二十萬。逮奇瑜勘
 問。以李喬代練國事。巡撫陝西。既而其學潤復代喬。晉承
 疇。兵部尚書總督。陝河南湖廣及真保二府。其總三邊
 如故。九月。土賊陷興山。入瞿塘。陷夔州。一宿去。
 冬十月。上御經筵。遇雪不輟。諭講官韓日績。姜逢元。毋忌
 諱。十一月。侍讀倪元璐上制實制虛之策。各有曰。告密
 波。連人無固志。一旦有急。掉臂開門。勢所必至。又云。督撫
 大吏。宜鄭重責成。勿頻加誚讓。苟氣失志。喪勢必倉皇亂

陳主

陳主

三

吳昇奉表張
援之救

謀。苟。且。救。過。上。令。確。奏。行。之。既。再。請。盡。撤。監。視。內。臣。以。重。
 邊。疆。不。報。閣。臣。溫。體。仁。盛。稱。睿。斷。自。上。凡。臣。子。不。宜。異。同。
 禮。部。侍。郎。陳。子。壯。咲。曰。食。君。之。祿。祇。勤。將。順。恐。善。則。歸。君。
 之。義。不。如。是。科。臣。凌。義。渠。上。拜。疏。一。疏。以。為。權。轉。寄。而。轉。
 窮。威。日。替。而。日。廢。一。介。市。井。皆。能。同。朝。廷。之。得。失。挾。簪。裾。
 之。短。長。紀。綱。何。在。禍。亂。日。積。將。有。大。決。裂。出。人。意。表。者。矣。
 刑。科。給。事。中。吳。升。來。訟。吏。部。尚。書。畢。自。嚴。之。寃。并。煇。吏。部。
 侍。郎。張。捷。之。寃。不。報。總。督。兩。廣。熊。文。燦。令。道。臣。洪。雲。蒸。等。
 入。海。招。降。香。老。被。執。許。戴。罪。自。効。

崇禎八年乙亥春正月議湖廣加派兵部主事賀王盛御

陳在初唐

尹夢整通于
完死

多侵襲

非國相死

萬文英死

史吳履中、連劾輔臣體仁庸誤、玆蒙切責、王盛旋改外禮、
部侍郎陳子壯嘗發唐王、聿、鍵、違、越、宗、法、收、王、高、牆、時、開、
宗、秋、改、授、之、例、子、壯、爭、之、坐、下、獄、配、贖、而、還、賊、掃、地、王、太、
平、王、陷、穎、知、州、尹、夢、整、鳳、陽、通、判、趙、士、完、死、之、遂、躡、鳳、陽、
震、皇、陵、寢、殿、皆、燼、燔、大、松、三、十、萬、株、殺、守、陵、內、監、三、十、餘、
人、縱、高、牆、罪、宗、百、餘、人、守、備、朱、國、卷、戰、力、竭、死、賊、入、府、治、
知、府、顏、容、暄、囚、服、匿、獄、中、賊、縱、囚、獲、之、張、蓋、鼓、樂、而、撻、容、
暄、堂、下、死、推、官、萬、文、英、武、官、四、十、一、人、俱、被、害、士、民、死、數、
萬、焚、公、私、邸、舍、二、萬、餘、間、賊、渠、引、幟、自、稱、古、元、真、龍、皇、帝、
恣、掠、三、日、剖、孕、婦、注、嬰、兒、於、梨、觀、其、驚、怖、以、為、樂、總、兵、楊、

作錄

九

五

黎和業康肅
趙世選馬加毅
元

撫楊鵬論免

常自裕

御蕃及太監盧九德以川兵三千來援南京兵亦至賊移
 攻和州知州黎和業教官康正域趙世選及原任御史馬
 如蛟咸死之獨舒城知縣章可試計坑賊數百人賊畏不
 犯移攻廬州上聞之大震免經筵素服避殿撤樂親祭告
 命百官修省巡撫楊一鵬論死巡按吳振纓生成詞臣元
 璐請下罪己之詔仍請捐七年以前一應逋欠雜解姑從
 折色上是之三月補給事中劉舍輝請免陝西八年以前
 逋租不許承運太監周禮言六七兩年金花銀共逋八十
 九萬命督催之給事中常自裕上言鳳陽焚劫四月而馬
 壙至歸德圍解三日而鄧杞來穎亳安廬之賊返旆而北

而尤世威等信尚杳然。賀人龍之師猶各處淫掠。所謂賊
梳而軍擲也。

廖應登死

曹文詔死

盧象昇死

江北總督

劉香老敗

夏四月、賊攻桐城、各將廖應登死之。總兵曹文詔大敗、
羅寨陣死。加盧象昇兵部尚書、兼總理江北河南山東四
川湖廣諸軍務。與總督承疇南北合辦賊。給故寧遠伯李
成梁孫堃遊擊鄭芝龍合擊海賊劉香老於田尾洋。守道
洪雲蒸被脅死。香老敗自焚。巡道康承祖叅將夏之木張
一傑敗歸。陞芝龍叅將。五月、吏部侍郎張捷私書露坐削
職去。時總督承疇移鎮河南。賊又盡入潼關。承疇乃上合
勦之議。須各府會慶。毋令旁逸。上可之。橫天一字王泉二

都御史舊米
六

張獻忠分走

十萬、撞天王、衆十七萬、復起逼鳳陽、淮督都御史朱大典、
以兵扼壽州、賊不進、曾搯屠光州、仍開、援、納、例、召、廷、臣、中、
左、門、試、時、政、邊、才、論、

秋八月、開薦舉守令例、不拘科第貢監、遇期議處、失舉、連、
坐、時、群、盜、復、集、宛、雒、自成、獨、留、秦、中、衆、可、六、七、萬、張、獻、忠、
始、與、自、成、分、走、

冬十月、下罪己詔、畧曰、朕以涼德、倚任非人、東、遼、三、入、寇、
己、七、年、而、征、調、未、已、加、派、難、傳、以、致、流、氛、毒、煽、震、驚、寢、陵、
祖、痛、民、怨、責、定、在、朕、擬、是、月、之、三、日、避、居、武、英、殿、戒、膳、撤、
樂、非、典、禮、並、以、青、衣、送、事、與、我、行、間、文、武、吏、士、甘、苦、共、之、

以魁平之日為期。爾內外文武其各省飭以回天。起十一
月。大學士何吾驄罷。速庶吉士鄭鄞。坐以故母蒸父妾。下
獄。太監高起潛。邊功。應錦。衣世百。六。十二月。賊犯滎陽。諸
縣。吏部尚書謝陞。援卹款。奏起廢張士範等一百六人。上
以刑部未釋罪。吏部安得遺上名。下選郎於獄。起廢不行。
賊闖王陷光州。屠之。時立限。平賊行間。日殺良報讎。幸無
罪。城鳳陽工成。起劉宗周。工部右侍郎。上親斷獄。歲嘗千
計。賊衆數十萬。合十五營。襄陽陷。

崇禎九年丙子春正月。特簡淮安三科武舉陳啓新為吏
科給事中。先是。啓新從政府。錫得上意。跪正陽門。上書。極

言三大病。一科目用人。一資格取人。一知推行取。多所排
斥。稱上旨。及得官。無所建明。但敝衣羸馬。以飾聽觀。時賊
關最强。科臣常自裕請專制。關南陽飢。有母烹其女者。三
月。侍郎宗周疏曰。皇上一念。矯枉。遂有積。輕士大夫之心。
人人救過。不給。而欺罔。轉甚。奉劾之法。惟重征輸官。愈貪。
民愈困。而賦愈過。總理之外。復設監紀。權愈分。法愈廢。而
害愈蔓。并及啓新。宜如國初。試御史例。不宜以一言投契。輒
授清華。不報。時黃安縣學生鄒華。輒上書薦舉。內列祭酒。
倪元璐。元璐醜之。以為下士。而薦及朝紳。舛謬殊甚。因疏
及吳鯤。化係左衛經歷。而擅奏。撫臣錢士晉。總為失體之

大者上頗是之。總理廬象昇東援滁州。獲賊搖天動。伏誅。斬級一千六百有奇。復分兵塞新野。先化賊勢阻。而楚鄖二撫不應。賊從羊皮灘遁去。

夏四月。武生李璉奏請搜括巨室助餉。大學士錢士升謂。卽邑稍有敷積。亦貧民衣食之源也。此議一開。勢必亡命無賴。相率與富家為難。大氣所由始。擬璉下法司。同官體仁。以上方曲通言路。為改擬。士升。坐。要譽。放歸。御史唐爾選。爭之。謂璉苛細刻薄。不識大體。徒毀成法。而釀隱憂。上盛氣召爾選。詰疏中。尚且二字。爾選從容對曰。卽捐助一節。尚且甚矣。反覆數百言。至云。臣死不足惜。皇上幸聽臣

事尚可為。即不聽。臣留皮言為後日左券。大不幸也。項繫直廬下都御史論罪。閣臣體仁狗太監高起潛之請。首捐俸市馬。侍郎劉宗周言一歲之間。助陵工。助城工。又取馬價。不思裕其源。徒起市心。非便。不省。宗周罷歸。起黃道周原官。五月朔熒惑與日同在。孰火參火之分。道周請平大政。節損威光。詔天下有司。務修練儲備。勿科擾。以刑部尚書馮英貌詭。私即待罪。童生瞿昌進白兔。却之。逐回籍。六月。詞臣道周上求賢省刑一疏。且曰。此何時而尚與市井之民。中勃稽之談。修睚眦之怨。予請急守安慶。留意字錦。起廢釋罪。數事。報聞。賀逢聖。以禮部尚書。兼東閣大學士。

司禮化淳錄
因

東師入

鹿繼善死

進文淵閣、總理象昇會諸司於鳳陽、闖王八大王闖塔天
等九賊、連營數十萬、東攻滁、破廬州、諸師及巡漕朱大典
合擊敗之、殺賊混世王坐山席等、時靈壁陷、守將劉光輝
全軍歿、賊冒其甲冑、旌旗、渡河、河上兵不覺也、逸入楚、連
滋陽、知縣成德戍之、六月、命司禮監太監曾化淳同法司
錄、因

秋七月、東師入、掠定興、原任武選郎中鹿繼善死之、再破
安州、分遣諸內臣各嚴關隘、出侍郎張元佐鎮昌平、司禮
魏國微守天壽、上曰、內臣即日就道、而侍郎三日未出、即何
任乎、都城戒嚴、斗米三百錢、台對平臺言人人殊、上曰、莫

撫了魁楚

孫

多

高

梅
五

張

張

若捐助便以巡撫了魁楚防邊疎姑戴罪自贖兵部尚書張
 鳳翼奉命專征知州孫士美一室十五人殉漢州總理象
 昇會各師內援改象昇總督宣大山西軍務而賊復自楚
 入豫陝撫孫傳度擊賊蓋至破擒賊首高迎祥及劉哲等
 獻俘磔市誠意伯劉孔昭參國子祭酒倪元璐以妾冒妻
 封坐冠帶閑住即撫宋祖舜追賊失利亡其符印坐削籍
 以苗胙士代之八月改胙士河南尋罷去復以陳良訓代
 之召對平臺怒兵部侍郎仇維楨嘗請罷內臣監督勅外
 謫九月總兵祖大樂禦河南賊頗捷應城陷知縣張紹登
 死東師從建昌冷口還守將崔秉德請率兵過歸總監

界州

十一

十一

梅拜學淵遠

加孫傳良實所

字國前職

楊嗣昌為

吏部謝陞主

起、潛、不、可、四、日、後、進、兵、石、門、山、報、斬、級、三、李、自、成、稱、閩、王、
 冬、十、月、賊、陷、麟、遊、諸、郡、邑、動、搖、總、兵、左、先、追、敗、之、藍、城、
 賊、竄、就、款、於、巡、撫、其、學、淵、淫、掠、如、故、削、學、淵、官、聽、勘、加、孫、
 傳、良、督、師、前、工、部、侍、郎、劉、宗、周、在、道、馳、奏、今、日、之、禍、實、已、
 已、成、之、也、頗、惜、王、洽、劉、榮、耿、如、杞、等、而、專、歸、咎、輔、臣、溫、體、
 仁、坐、削、職、禁、文、武、輿、蓋、器、飾、之、僭、起、在、制、楊、嗣、昌、為、兵、部、
 尚、書、開、東、陽、傳、翔、請、礦、以、儲、國、用、總、監、曹、化、淳、以、下、各、進、
 馬、賜、綵、幣、有、差、叙、京、師、守、城、功、廢、太、監、張、國、元、曹、化、淳、世、
 錦、衣、食、事、十、一、月、蠲、山、東、五、年、以、前、逋、租、吏、部、尚、書、謝、陞、
 奏、用、人、經、目、太、密、忤、旨、罷、去、左、都、御、史、唐、世、濟、生、薦、逆、黨、

三

七

七

曾半燮元

東師改尊國
韓

錢謙益
和溫

鄭三俊

霍維華下獄十二月哈卜二酋內屬請開馬市邊督象昇以哈能東抗而卜為俺荅之後素恭順不殖東師宜徇其請上從之總督朱燮元討五洞蠻平之後剪永西羽翼定蘭州或請郡縣其地燮元不可究以公士歸朝廷私士界分守是年東師改尊國號

崇禎十年丁丑春正月工部尚書劉遵憲上加瓠輸納事例建前禮部右侍郎錢謙益給事中瞿式耜並下獄先是常熟奸民陳履謙以私怨與其黨張從儒去捏款曾和溫等虛詞欺會者謙益常作故太監王安祠記今曾化淳出吏門謂宜款之錢與溫有隙謂宜和之刑部尚書鄭三俊

悉狀。扶二奸各百。五枷三月死。譙益苦得釋歸。二月遣官督催各省逋賦。時諸賊混天星。侵軼商洛。李自成縱橫西。安。逆天星盤據汧隴。獨行狼偏據漢南。蝎子塊自保西河。与西番出沒。以熊文燦。搃理直隸。山陝。楚蜀軍務。應天巡撫張國維駐師京口。良玉大破賊于舒城。六安。賊竄入山中。國維檄良玉搜討。驕蹇不奉命。縱兵灌掠。三檄始發。而賊已飽颺去。良玉坐戴罪自劾。三月詔免。山陝脅從之罪。科臣陳啓新。許知縣尹民興等。刑部尚書三俊。擬民興降誦。上以輕縱。逮三俊。下獄。三俊貧。即烟不續。會講筵畢。庶子黃景昉請宥三俊。上曰。三俊蒙狗。雖清何補。編脩楊廷

麟上言、自温體仁薦唐世濟、王應熊薦王繼章、今所薦皆
敗而薦者無恙、是連坐之法、先不行於大臣、而欲收保舉
之效、得乎上嘿然、會應天府丞徐石麟亦言三俊清節可
原、得放歸。

夏四月、監生陸文聲陳風俗之弊、由於復社、下南直提學
御史倪元珙察寃、元珙言復社誠心實行、無慚名教、上責
元珙蒙飾、降光祿寺錄事、時旱災、求直言、刑科給事中李
如燦言、有兵不練、兵增而餉益匱、有餉不統、餉多而兵愈
冒、併訟劉宗周、魏呈濶、善爾選、李化龍一鳴、輒下、為盛時
失政、忤旨、下獄、左諭德道周言、陛下下詔求直言、清刑獄、

乃方求言而言者輒罪。方清獄而下獄者旋聞。大臣雖清
強。曾何益於理。堯之數。上益怒。切責之。撫寧侯朱國弼申
劾體仁。入逆黨。霍維華密賄。故全所私。左都御史唐世濟
破口波引。世濟坐戍邊。上并奪國弼爵。而慰諭體仁。切緘
監起。潛行邊。未平道。劉景耀。閩內道。楊於國。耻行屬禮。上
疏求免。上以二人傲。罷於國。降景耀。勅總監。比總督體統。
行。閩四月。檣雨。不應。上但責數。內外臣工所致。以兵部尚
書。嗣昌。議再加賦。新安衛千戶楊光先。昇櫬自隨。劾吏科
陳啓新。初浮詞。誣上。輒弋美官。所上五千言。不出破情面
三字。而特疏薦其漕司書辦。時堂上官樊良樞。是情面之

尤矣。書辨被殺。何閔因體名教。乃以申明賞罰。入重賄而為胡爾儀請卹。豈知爾儀現在閣臣供後。而謂已死。是指鹿。丹見於今日。罪不容誅。䟽尾并及首輔體仁柄政以來。專營報復。睚眦不忘。免於弑國。上不得已降啓新二級。仍舊管事。寘體仁不問。先坐贖。陳廷杖戍遼東。而主事朱國壽復。既詆啓新。上以為踵襲蒙切責。六月。大學士溫體仁引疾免。初。體仁以摘發錢謙益。蒙特知。首輔延儒援之入閣。已與延儒相軋。延儒罷而獨存。同官何吾驄。錢士升。皆先後抵牾去。時益務將順。擊朝為讐。攻者無虛日。上賜金幣遣行人護歸。創設安廬池。太巡撫以右僉都御史史

可法填之。工部員外方璽、意阿上贊內臣，可任給事中。何楷駁其通內呈身。吏部請削籍，上特手改降調。

秋七月，以薛國觀入東閣辦事，定東宮官屬。右諭德項煜編備楊廷麟避席黃道周，閣臣以道周意見偏陂，不可給事中。馮元飈爭之，不得。先是，道周嘗自陳七不如，其一鄭鄞時鄞方得罪在繫，有旨責道周，顛倒是非。道周曰：初文震孟欲斥逆魏，鄞抗疏任之。至削籍入山，每以臣為怯。臣執筆不能白，輒思鄞，故曰不如。卒以是滋議。吏科啓新進吏却訪策，吏部尚書姜逢元、兵部尚書王業浩、校獎獨多，上心疑二人，特罷之。

冬十月賊自成過天星等九營陷寧羗圍入四川督師承
疇大敗之於梓潼自成走楚依獻忠獻忠欲殺之復合老
回入還入陝刑部郎侍郎徐石麒與同官惠世揚多所平
反忤旨奪世揚官石麒落俸十一月尚書楊嗣昌請限勤
賊之期令撫鎮分任斷絕要害合勦務底平上可行
崇禎十一年戊寅春正月裁西京冗員八十有九上廉得
近畿有司不法切責該抚院不先劾劄河南巡按御史張
任學欲薦故丹陽知縣張放因劾詆諸總兵官不任盛稱
文吏上輒改任學總兵官任學大悔沮尋被逮城蘆溝名
拱極三月召對考選官於左順門知縣曾純義以議加孤

稱旨擢第一未幾即有勦餉練餉之加戶部主事張縉彥
謂賊得勢在流失勢在止長技在分窮計在合乘時在秋
夏失時在冬春是宜乘其所短盡仆其鋒不俟事平彙叙
上是之。

夏四月東師議款象昇駐石衛上書托西不抚東講市不
講賞閣臣賀逢聖致仕去兵部尚書方一藻楊嗣昌等議
用瞽卜周元忠走瀋陽為間復議款不就己酉丑刻熒惑
去月僅七八寸至曉逆行尾八度掩於月五月丁卯熒惑
退入尾初度漸入心宿尚書嗣昌強援漢唐宋故事謂月
食火星猶幸在尾有灾而不害工科給事中何楷駁之謂

古語月變脩刑。又言禮虧則罰見熒惑。誠欲措刑莫如右。禮。右禮莫若省刑。戶部主事李鳳鳴佐嗣昌亦以為常而非變。科臣解學尹復糾其諛。然考嗣昌所引年月頗謬。六月以賊未平。奪承疇尚書。以本部侍郎總督。總兵官左光先。曹應蛟等。並奪五級。限五月盡賊。承疇報陝賊就平。詔出關。料楚豫。而以丁啓睿為陝西巡撫。總兵左良玉。陳洪範。大敗賊於鄖西。逮巡撫余應桂。以方孔炤代之。改在制楊嗣昌禮部尚書。兼東閣大學士。仍署兵部事。科臣何楷等劾嗣昌奪情廢禮。蒙切責。特旨。在制陳新甲為兵部尚書。總督宣大。侍講黃道周以為破非常之格。奉不祥之人。有棄

國體上不憚、古對平臺、盛氣極責道周、朋比至比之少正
卯、道周伏謝、起爭忠佞二字、移時、謫江西布政司、斷事、廷
臣劉同升、趙士春、何楷、林蘭友、馬思理、董養河、各疏救道
周、坐謫、調有差、已江西巡撫解學龍、復上書訟道周、與道周
並連、坐道周、偽學欺世、坐、大辟、部臣葉廷秀、疏救、奪官、監
生徐中吉、抱疏不得上、併劾、通政使、坐、杖、戍、南兵部尚書
范景文、並以論奪情、削職、

秋七月、東師入、御史王肇坤、奉勅巡關、被害、攻高陽、原任
閣部孫承宗、並子姪、全家殉難、時督臣象昇、艱歸、以吳阿
衡代、輕戰、全師潰、遂奪情、象昇、授勅、東師以一營綴象昇、

而分兵南下，所過摧陷。象昇與奉授太監高起潛不協，師無功，遂落象昇尚書，以侍郎仍為總督，改編修楊廷麟兵部主事為贊畫。象昇戰死，鉅鹿之南。東師破，郡縣五十餘。至明年始退。先是督師孫傳庭、洪承疇以陸師五萬內授。特會搦為賊盟主，會諸賊過天星草里，眼苛九部於陝州。總理熊文燦與戰，大捷。賊疑陝師之出，必并力於楚，懼就款。文燦受之。九部屯房竹等處，不肯受官，願耕田自食。脅從不解，錯房鄭編氓而居。時獻忠亦就款於良玉，屯穀城。與曹操微聲援。曹操即羅汝才鄖陽抚治戴東旻上言釜魚阱獸，決不可支。比亦款，必叛。宜及其困，誅善制之。坐撓撫。

罷免以王鰲永代之。詔改承疇、薊遼總督孫傳庭保定提督、東師深入濟南、再困隨州、破知州王燾死之。
冬十一月、括內外廢銅鼓鑄。

崇禎十二年己卯春正月、東師圍濟南急、按臣宋學朱叅政鄧謙死之。旋破兗州、兗西道李恪及知府鄧錫蕃死之。叙緝奸功、本廠太監王之心曹化淳廢錦衣百戶。二月、御史王聚奎劾刑科右給事中陳啓新、緘默溺職、上怒、下聚奎獄。左僉都御史李先春、讞聚奎不稱旨、奪俸。聚奎卒。生誦、并罷先春、追論薦主編脩林增志、增志為引罪。三月、擢叅議鄭二暘為右僉都御史。二暘嘗入對、額兵須實練。措

餉宜得人。又議裁不急之官以省費。上以為能。故有是命。
總兵良玉敗賊於內鄉。時步兵頗淫掠。上切責之。

夏四月。論釋輕繫。免高淳縣去年旱蝗田租。上頗於內度。
建設齋醮。言官張絲。廖維義。疏諫。不听。京城濟濠。給事中。
夏尚綱言。在人不在險。振聞。五月。出帑金三十萬濟餉。仍。
令補償。山西按察副使魏士章。請遣官四出。盡括天下隱。
匿錢糧充餉。上從之。禮部尚書林欲楫。請核各省僧道田。
畝。淫祠。入其田以助餉。下部議。不果行。穀城賊獻忠復叛。
汝才九營應之。合於房。督師文燾始悔不用之。鈿東旻之。
言。先是。自成戰敗。窮欲自殺。以五十餘騎突圍走。自武關。

道隕陽深山中，已復團聚。

秋七月，良玉為賊所敗，失其符印。詔文燦草職，良玉草職，戴罪自贖。閣部嗣昌初深結文燦，幸撫成自功。至是內戰，遂請身督師南討。上賜尚方劍及督師輔臣銀印，餞平臺後殿。手觴者三，賜詩，勒於文廟。又賜馬及斗牛服，而逮文燦。橐市逮巡撫常道立，聽勘。以李仙風代之。初，殺城知縣阮之鈿，言獻賊不可挽。至是賊啣之為所殺。御史林鳴球併見害。安慶巡撫史可法憂歸。戒午門端門諸內臣毋延迎朝士及中外官餽遺，請託考選。吳昌時首擬吏部，上示不測。手更定主事札部。昌時疑薛國觀所為，大恨之。八月。

磔故廢吉士鄭鄴於市。九月，免各州縣田租。有差。

冬十月，彗星見。停刑。十一月，前廢吉士張居請行銅鈔。從

之。時賊多購斬黃人為間，伺虛竄，每突出焚掠，相持踰年。

流毒益甚。是年，兩京、河南、山東、西及陝西旱飢。

崇禎十三年庚辰春正月，閣部嗣昌駐襄陽，請以良玉為

平賊將軍，推官萬元吉為軍前贊畫。罷鄴，撫王冀來。以袁

繼咸代之。與楚、抚、宋一鶴協討賊。閏正月，紀錄卓異諸臣。

蘇松知府陳洪謐方岳貢預已坐通賊削奪。未壽，知縣朱

露特疏。有司科罰攫取，撫按匿不以聞。上以其言直，擢露

吏科給事中。改原名統績，仍行各省申飾。詔會試先期較。

射閣部嗣昌誦兵合勦興安一路坐監軍殷太白失期斬
之二月粥京城饑人錢二百戶科給事中左懋第請因灾
害稍減加派之數不報己又發帑三萬兩賑畿南是日雨
免兩河積逋并及宿州沭陽通州等處三月策進士楊瓊
芳等於建極殿賜魏藻德及第^第先是上召對文華殿進
士四十八人藻德言群臣各知所耻則功業日建因自誦
戊寅守通州功上心識之為特簡東師屯易州墾荒營精
兵錦昌堡特經畧洪承疇屯寧遠監軍主事張若麒促戰
承疇以十鎮之師攻錦昌
夏四月陝撫丁啓睿大敗賊於函谷鹵賊首蝎子塊斬首

數千陞啓睿總督三邊及山西河南軍務自蠅子塊死其
黨滿天星張妙子邢家米大天王鎮天王一條葱小紅娘
九梁星等相繼拔歸。惟自成矯去。命抚按薦舉人才分治
兵治餉二則。失實者并坐。考選科貢募收已吏劾所上不
如旨。命貢士及歲貢二百六十三人。相補劾寺司屬不為
例量發帑金。令有司設法賑各省饑。減湖廣田租。五月。召
對平臺。通政使徐石麒以為守邊在農戰互用。救荒在勸
民輸粟。安民在省官任賢。上是之。平賊將軍良玉遣副將
陳邦福金聲桓疾壓楚賊。俘斬七千餘人。獻忠保亂山已
復起。突入房縣。知縣郝景春死之。陝縣土賊李際遇聚五

萬肆掠、總兵王紹禹一日五捷、斬幾半。時回革左三賊、為
太監刈元斌禁旅所敗、乞撫於監軍楊卓賡、適獻忠汝才
合攻麻城、三賊應之、不果就。土賊袁時中走合自成、衆二
十萬、突江北、巡撫朱大典與總兵劉良佐合擊、衆潰去。黃
梅貢士吳卿上言、兵之初過、窮鄉男婦匿林避難、借首獻
功、無怪戢多、而賊益熾。六月、曹操與過天星等九部入蜀、
革左不與、監軍萬元吉扼夔門、賊陷大昌、犯夔石、柱女帥
秦良玉、蔡兵合援、督師嗣昌及將軍良玉、與蜀抚邵捷春、
前後搗賊、大捷。時汝才踞大寧、旋走合、獻忠自保、而過天
星等逸。天星即賊益九股而亡其八。大學士薛國觀免。

秋七月賊獻忠以敗卒將北合自成於河南詔太監元斌
同總兵周遇吉黃得功追搗之元斌坐逗遛伏誅撫臣朱
大典革職為民併逮安廬總督高斗光以馬士英代之九
月、葺帑賑順天等府免汝州隴西通稅折徵江南絹布等
歲課并諭災荒處停刑惟封疆及勦餉等限五日具獄仍
令有司祭難民瘞暴骸御史魏景琦方論囚西市馳飛勅
免原御史高欽舜原工部郎中胡璉等十一人仍以景琦
濫下錦衣獄副將賀人龍驍善戰川撫卽提春為請於嗣
昌得專師嗣昌意良玉進止不奉令頗欲以人龍易之而
卒不果人龍怨詔加叅將鄭芝龍署總兵銜

冬十月出帑金布舊綿衣二萬給京師貧民戶部尚書李
待問請損交際裁工食為節窮之計上從之十一月二部
主事李振聲上照品占田之議一品十頃壘不果行諭清
獄勿延覽加明年漕運每石練米八斗李賊屠永寧萬安
王采鍛見害衆數十萬

崇禎十四年辛巳春正月賊自成以衆圍河南時城守多
故所降賊輒內應執副使王應昌閉門入賊福王常洵及
世子由松跳士民死者數十萬福王被跡見害原任兵部
尚書呂維祺死之二月河南賊瓦罐子一斗殺諸朕走歸
自成合攻開封周王堅守不得入北驪歸德巡撫李仙風

自縊死以高名衡代之三月獻賊突巫山大昌襄陽陷兵
備道張克儉推官勸曰勸死之襄王及難知州徐世淳勸
隨州督師閣部嗣昌以兩王威死賊惧自經有旨丁啓濬
代之詔孫傳庭總理五省軍事時汝才與獻忠却移奔自
成出其下而獻忠乃獨制良玉提銳兵大創之獻忠負傷
易服宵遁窮奔自成親已五十萬強獻忠不肯屈下恐見
害潛走江北革左營詔革山東巡撫王國賓職命楊之蕃
劉津清合勦曹濮之賊

夏四月召前大學士周延儒張至發賀逢聖入朝至發辭
不起逢聖甫出病歸延儒之也出主事吳昌時預有力延儒

德之賜故大學士薛國觀死、國觀性褊刻、以前輔體仁薦
密獻那借之議、逢上、上勇從、戚晚、李武清、貸白金四十萬
兩、追比慘痛、外廷人自危、遂因皇太子病、倡為九蓮菩薩
之言、且降禍朝廷、上悔懼、方追罪國觀、而國觀造與太
監王化民忤、上苦朝士婪賄、以問國觀、對曰、由殿衛不得
其人、時化民在側、汗浹背、因專伺國觀陰事、給事中袁愷
直疏納賄之迹、及尚書傅永淳、侍郎蔡奕琛、都御史葉有
聲、皆逮獄、國觀遂敗、中書舍人王陞、彥以吳昌時意、通賄
中國、覘事、亦覺、奕西市、時保督楊大猷屯禹州、巡撫高名
衡屯開封、總兵左良玉屯南陽、合搗豫賊、已而陝督傅宗

龍陷歙項城督師孫傳庭丁啓睿師皆潰汝寧陷文岳與
推官王世琮咸死之恭將崔文榮殉漢陽罷河南巡撫陳

良訓以常道立代之仍命承疇與傳庭合料敵時提兵秦

吳明頰敗賊五月李賊攻偃城替撫汪喬年走保襄城死之

自是知州錢祚徵殉汝知縣劉振之殉鄆陵提兵猛如常省南

陽唐王遇害禹州陷徽王遇害賊復攻開封巡撫高名傑代道

立及總兵陳永福守固射自成傷其右目

秋七月鎮臣良玉怯敵忠左革等兵鋒東下避之部多降

賊素以馳掠為勇于是令不能戰南都大震畏兵甚於賊

撫臣扼之還屯安慶八月東師營乳山以困錦州提兵樊

東軒堂元

立氏如九年建

撫國軍

劉澤清

劉宗周起

壽拒守、糧絕、遼撫丘民仰與經畧洪承疇合諸鎮援乳山、
 小捷、東師不退、移壁錦昌、遂盡發寧遠之衆合援、夜過大
 典口、師潰、盡不及援、重修太學告成、司禮監王德化領群
 臣習儀其中、時比之唐魚朝恩講經、元李邦寧釋奠、九月、
 改東廠提督京營者、亦稱總督、
 冬十月、特設裕國足民奇謀異勇科、遍行咨訪、無所上、十
 一月、山東土賊李廷實等陷高唐州、迎賊李青山據城、自
 是兗州等二十州縣皆被蹂、巡撫王國賓坐罷、總兵劉澤
 清擊復東阿、泰安、賊陷城邑、火漕船十有六、衆至十餘萬、
 起劉宗周吏部右侍郎、禁朝臣私謁內閣及內侍、於是待

降將李萬慶
天

范景文

漏俱露立、毋敢即直舍、降將李萬慶、即射以副總兵守襄
 城、城陷死之、贈都督同知、為立祠、十二月、刑部尚書劉澤
 深擬道周學龍並成、上不允、澤深曰、過此惟有論死、祖宗
 來、未有以建言誅者、遂如擬、成道周辰陽、
 崇禎十五年壬午春正月朔朝畢、上自悔、悔不入、諫召太
 學士廷儒、逢聖陞等上殿、曰、古帝明王皆崇師道、卿等朕
 之師也、朕當洗滌、受教、命東向、上降座、西向揖之、三臣
 愧謝、以工部尚書范景文入閣辦事、山東盜李青山、平、青
 山本屠戶、聚眾至數萬、原任給事中范淑春及魯甯左相
 俞起蛟、以民兵捕青山於梁山、正法、御史楊仁愿請罷提

閱日曆

錦州

張仰

王廷臣

洪承疇

祖壽

王廷臣

督京營內臣從之。二月，免省直十二年以前逋稅及蠟茶等課。山東饑，并免十二年以前罰贖。論釋輕繫，免四川貢

扇三年。閏九月，陞典給事中倪元禎。宴語偶及上自用，頗察

察。仁復發之，陞坐削籍去。李三楚奉命講東師不成，被躡

塔山，破守者疑三楚導敵，立殺之。杏山震，開門降。旋松山亦

不守。巡撫立民仰被執，挾說降錦州，不屈。與督標總兵曹

變，鉸撫標王廷臣俱死之。經畧洪承疇東歸。三月，總兵祖

大壽亦以錦州東歸。詔鎮將吳三桂守寧西四城，總制孫

傳庾戰南陽，大捷。軍翼再戰不利。

夏四月，賊獻忠合回革二賊犯舒城，守將孔廷訓降賊。反

卷五

已十七

三

明臣能勳
詳因新舊
李善長手受
詳元

黃得新始著
南相

許德瑄著
吳路亦圖

王夢元

攻城陷原任編脩胡守恒死之賊據城改名德勝州偽飾應
試諸生襲陷廬州知府鄭履祥死之五月李賊驪新野陷
睢陽令人脅降城兵脩道關求傑不屈城陷求傑與鄉紳
崔泌之李夢宸卿薦王受爵咸死之初河南知縣王漢善
城守嘗殺賊數十以試御史監軍援汴上言軍之詳也將
願使之身犯不赦假此退步請論戒諭不嚴之罪且論將
軍良王大罪七歷陞都御史討叛將劉超見害總兵黃得
功擒斬起封靖南伯六月免開封河南歸德汝州去年田
租詔各省立停刑三年晉蔣德璟黃景昉吳姓東閣大學
士治對中左門上青袍皇太子定永二王衣緋侍詔吏部

果惟秀

卷一

三十一

奏議

唐書宋改

以萬士英從帝
風聞

阮大鍼

尚書李日宣及吏科給事中章正宸河南道御史張煊等
 朕屢諭諸臣有寧背君父不背私交寧隳職業不破情面
 二語乃茲救卜濫及房可壯張三謨宋致等積習殊不化
 戊日宣等六人於邊可壯致等咸革職致常上書陛下求
 治過急則污薄喜進之人愈飾詭而釣竒陛下破格太多
 則巧言孔壬之徒愈乘機而鬪捷上故恨之而可壯初不
 受大學士陳演之囑以演所脛試御史廖惟一外調演啣
 之從遊西苑密揭可壯擅主救卜事故有是謹宥馬士英
 以兵部侍郎兼倉都御史提督鳳陽士英初撫宣大為總
 監王坤所訐論罪原任太常少卿阮大鍼為略宜興營救

馮元颺兵甲

元颺兵甲

李邦華

賀正

得復用。賊草里眼陷無為州。士民死無算。潁川參將李柳
 伏兵敗之。斬首千餘級。以馮元颺為兵部尚書。破例改悅
 元璐為戶部尚書。元璐疏兵餉之權不宜分而為二。請獨
 通賦四百餘萬。上是之。旋起李邦華代元颺兵部。
 秋七月。賊左草戰敗江北。奔自成。自成殺之。併其軍。草里
 賀一。凡秦中降起諸賊。至此大半降。且死。惟老眼即狃曹操
 在自成部。左細即馬守應是後止張李二大賊。陸沉中
 原矣。總督傅庭以密命殺副將賀人龍。賊為加額。而用人
 龍故部高傑、陳勇等任殺賊。以侍郎侯洵為總督。與傅庭
 及總兵許定國協守開封。時督師丁啓濬、楊文岳戰賊兵

復官遺處

曰廢字固殘
卷

河決開封

王世琮死

楊文岳死

潰、山東總兵劉澤清西援八月、赦黃道周、仍任少詹事、道
 周擬戎未行、上偶問首輔周延儒、今日即安得如岳飛者
 任之、延儒曰、飛自是名將、然史多溢辭、即如黃道周、用之
 未必見效、而後世不免曰、其不用也、天下惜之、上默然、甫
 還宮、即傳旨復其官、尋并釋為道周而得罪者、起姜曰廣
 南京正詹、掌國子監事、改刑部尚書、鄭三俊於吏部、起劉
 宗周左都御史、捐濟南兗州東昌濮州逋租、保鎮遊擊趙
 崇新、欵賊袁時中不終伏法、時中陷蕭縣、執知縣以去、九
 月、河決開封、周玉漂士民死百餘萬、李賊再陷歸德、推官
 王世琮死、之屠南陽、陷汝寧、督師楊文岳死、之時知縣李

孝貞唐景泰

將光祖死

崇王殺執

陳新迪

陳新甲



張夙奇陳輔

光死

貞作狗。知縣。唐啓泰。狗宜陽。亳州諸生。韓先祖不降。見殺。南
 突。棗陽。掠崇王。由櫃及世子去。鄧撫王永祚走。棗城。賊陷
 偏沅。巡撫陳睿。謨名。護惠王。棄荊州。賊入。時良玉兵東邊。詔
 逮楚撫袁繼威。棄宗民數千。詣闕乞命。成之。尋起原官。理
 河北屯政。刑科右給事中。陳啓新。匿喪被劾。下撫按。即訊
 遁去。不可得。兵部尚書陳新甲坐失機。伏誅。首輔廷儒。頗
 曲解新甲。謂國法兵不臨城不斬。上曰。他邊疆。即不論。戮
 辱我親藩。七。不。百。倍。寇。薄。城。乎。不。赦。東師入。青山。口。總。兵
 吳三桂。釋四城。竟守閩門。永平破。知縣張鳳音及同知陳
 輔堯死。之。攻。薊。州。歷。畿。南。河。間。兵。備。道。趙。珽。抗。禦。七。閱。月。

趙班劉光化
劉光化董宗周
去嘉元

力竭城陷全家死東師指山東迄誰北僉都御史史可法
嚴構廟灣河。北馬不下。克州破。知府鄧錫蕃死之。卿薦
劉光化殉。歷城原任御史董宗周以鄉兵守即墨。與子基
全家殉難。生員姜瀉理亦不屈死。東師連破一百八城。無
與抗者。

冬十月賜貧民米布。十一月都御史劉宗周上言六事。一
復馮從吾首善書院。次獄詞悉聽法司。次三品以上官有
罪必會詳。乃付司寇。毋先收繫。次禁地凡匿名文書。一際
立毀。報可知。縣時敏已轉部司。潛走吳昌時。通於首輔。稱
禦寇功。得考選。改給事中。復起故輔馮銓。下部議。吳麟徵

吳繼徽

湯若望

姜珠熊開元

力諍之不聽。西洋人湯若望進改定新曆不用。御史楊若
橋稱若望習火器請贖。盡闕東行間許之。閏十一月下罪
己之詔。收禮科給事中姜珠於獄。先是有匿名文書二十四
氣之說。隱詆朝士。珠上言。此又大奸。戶部籍言官法也。上
怒。其有所指。罪之。台對中左門。都御史宗周請勿使貪詐
必以慮。上曰。慮不如才。又問禦敵。宗周言。唐宋以前。竝無
火器。西洋湯若望不足任。上不懌。旋請釋珠及熊開元。獄
稱。廠衛未可輕信。上仰屋作色曰。即廠衛誰不為朝廷使
者。先是行人司副熊開元亦以摘發首輔被獄。故宗周併
及之時。抗論不屈。上益怒。左副都御史金光宸力言。宗周無

字尚微

徐石麒麟

他。明日、下宗周獄、坐削籍、光宸降調、吏部尚書鄭三俊、刑部尚書徐石麒麟、獲疏救二臣、不聽、吏科給事中吳麟徵、再疏、白開元塚、亦不聽、尚書石麒麟、不廷訊、而據其開元塚獄、召廷杖開元塚、而石麒麟坐罪、給事中陳雙翼上言、陛下信、廠衛、即有因廠衛為介紹、託近侍、即有因近侍為階梯、陛下、下籌、兵措餉、不遺力、而此輩所輦、輸以得官者、即陛下之、兵所滿載、而脩代者、皆陛下之餉也、必左右大臣、發憤改、圖、庶幾挽積習、而強國本、意歸罪、揆席、不報、

崇禎十六年癸未春正月上、以東師久在內地、詔勤王、無、應者、猛欲親征、都給事中吳麟徵等力諫、不果行、首輔延儒

三

七

七

黃端伯

許文定公雅賦
易通鑑記

因自請以閣部督師既出未一逆顏行拾小級報捷晉太
 師時人為之語曰出師一月無消息昨日元戎報捷來科
 臣吳麟徵請整飭留都宿重兵以待援報聞二月閣部吳
 甦出禦寇薦屯撫袁繼成為潯督以制良玉戶部尚書倪
 元璐釋部事以原官專供講職時左良玉衆二十萬避賊
 東下沿江縱掠南都復大震良玉慮臺彈列狀兵部自白
 行取推官黃端伯特疏益王與鄭芝龍從親啓志忤旨勘
 問三月賊獻忠西陷蘄州守道許文岐死之連陷黃州副
 使樊維城諸生易通暹死之賊盤據自稱西府時水陸互
 六營不降者盡斷其手連陷嘉魚等縣和縣王良鑑死之

招鄉薦姚士罪不赴。詭自殺。逃匿。會自成南下。獻忠怯。謀獲。

江去之。自成遽入承天。巡撫都御史宗一鶴及鍾祥和縣業。

漢成死之賊。遂蹂頸陵。且誅之。忽大聲起山谷。若雷霆。臨。

其首。畏。急。變。衆止之。馳檄黃州。指斥。乘與。妄自稱奉天。

倡義文武大元帥。稱汝才無民德。威大將軍。旋破襄陽。欲。

略以為窟。改襄陽曰襄京。諸所隔城邑。俱易其名。即襄王。

宮殿居之。設官職。封所擄崇王及諸郡王以伯爵。召江陵。

鄉薦陳萬策李開先二人。不屈死之。賊令汝才攻鄖。總兵。

高傑授之。屢捷。自成以汝才無功。殺之。併其軍。退保襄陽。

保康。陷。知縣石惟壇死之。當是時。自成據五郡八十餘城。

陳萬策李開先

李殺汝才

石惟壇死

而令考狃守荊州。於是士寇閭起。大者數萬。小者數十。
徒劫流毒。人無生理。詔立賞格。購自成。爵通侯。獻忠官。極
品。世襲錦衣。指揮倉事。鎮臣良玉。與方國安。一戰。復承天。
考狃。戰敗。彝陵。走去。并復汝寧。河南道御史祁彪佳。與
掌科吳麟徵。勦計。與清。選司吳昌時。廢例。以意陞轉。彪佳
與范士髦。陳蓋等。疏爭職掌。同官徐殿臣。賀登選。因盡發
其隱。

夏四月。東師出。播子路。去臺省。交章。謂督師閣部。延儒。縱
使出口。上鎮之。免直隸山東被殘州縣。去年田租。釋輕繫。
召保撫徐標。入對。標述江淮數千里兵荒。艱苦萬狀。上為

郁歡泣下。五月起拜。備撰魏藻德。礼部尚書。兼東閣大學士。閱京營兵器於觀德殿。命勳衛子弟騎射。桐城生員蔣臣以保舉為吏部司務。上鈔法議。請納銀買鈔。每兩減三分。其行鈔也。責全有沮鈔者。以違制論。如是不出五年。天下金錢盡歸左藏矣。給事中馮嘉植疏爭之。不果行。吏部尚書鄭三俊以誤薦吳昌時。自引罪。初三俊問昌時於徐石麒。石麒同里。畏其機深。姑可之。至是乃大悔。武德道雷演祚奏。總兵范志完縱兵不律。行賄京師。詔對質中左門。演祚遂明指首輔延儒攬賄狀。御史吳履中復論及之。坐志完大辟。於是給事中却炯并叅吏部郎中吳昌時及禮部

李汝表時

王及淮

賀達聖徐
學顏戴
寇李蘇美郭
運王主朕化

主事周仲璉黨阿婪恣漏洩機密御史蔣拱辰何綸復交
 劾之延儒病歸以史可法為南京兵部尚書賊自反攻其
 黨表時中殺之并其衆六月發帑金四十萬兩貯富新倉
 備賑出陳納新不得輕重資太醫院療疫藥料收殮遺骸
 賊獻忠攻武昌故輔賀逢聖三策楚王餉士城守不應城
 陷昇王授之江長史徐學顏戰死賊重逢聖素使卒護之
 逢聖潛沉水死巡撫戴良瑄與通判李毓英知縣鄒運吉
 經歷任文熙咸死之賊偽號西王鑄西王之寶僭稱武昌
 曰京城設文武官職閩科取士授郡縣外官旬成聞之忌
 懸購收西王敵忠恨南攻岳沅撫李乾德託護藩去提兵

國帝學道

孟華

忠臣

利澤

墳

以王

孔希貴初戰頓捷力竭城陷死

秋七月賊獻忠連陷長沙知府周二南推官蔡道憲及鄉

薦馮一第死之復陷衡州桂吉惠三王奔永追殺御史劉

熙祚衡永道陳濱與守道周鳳岐死之常德武岡州連陷

岷王見害遂躡江右破吉安改為親安府廬陵為順民縣

南韶道王孫蘭間與自殺建破建昌撫州南豐等處謀入

蜀江督呂大器提兵馬進忠次第掃江右諸賊盡鎮將良

王坐收恢復之功封華南伯且有世鎮武昌之命上親訊吳昌

時於中左門拷掠至折脛徵延儒並勤初延儒再召庶吉

士張溥馬世奇以公論勗之在政府舉措可觀後頗溺昌

時以至於敗。八月，補會試。詔入覲官，舉將才。昔師傳庭樞高
 再敗。李賊復汝州，保復汝寧。勢張，副以餉道不修，致其譏。

擢山東漕儲副使。方岳真為右副都御史。九月，汝州復陷。

孫傳庭死

秦殺魏驍

王殺魏

傳庭敗，退保潼關。破，傳庭戰渭南陣。或曰：北竄塞外。

賊所向崩陷，破西安。秦王存樞被執，偽授權將軍。巡撫馮

師孔商洛道黃世清按察使黃炯兵備道段復興屠慶陽。

知府董琬推官鄧居聖死。韓王被執，渭南知縣楊暄長

安知縣吳從義蒲縣知縣朱一純秦府長史章世炯指揮

崔爾達咸死。其鄉神死者為原任都御史焦源璽太常

少卿咏禧御史王道純副使祝萬齡叅政田時震餘事王

居業華燭光

田時震王燭光

王道純楊暄

焦源璽

吳從義

朱一純

章世炯

黃炯

董琬

商洛道

黃世清

按察使

黃炯

兵備道

段復興

屠慶陽

知府

董琬

推官

鄧居聖

死

韓王

被執

渭南

知縣

楊暄

長

安知縣

吳從義

蒲縣

知縣

朱一純

秦府

長史

章世炯

指揮

崔爾達

咸死

其鄉

神死者

為原任

都御史

焦源璽

太常

少卿

咏禧

御史

王道純

副使

祝萬齡

叅政

田時震

餘事

王

居業

華燭光

徵主事南居業。及鄉薦。席增光朱詛泉。延安諸生楊繡徵。同州諸生劉長庚等。而都司吏丘從周偽風疾罵賊。賊攻榆林。大敗。失數萬人。再戰城陷。副使都任及奮總兵七世威。王世顯與掌印指揮李文燁等十八人。各家屬數百人。咸死之。寧夏叛。降賊。井州陷。巡撫林日瑞先以萬王兵三千出。總兵郭天吉馬燿同知藍臺死之。賊仍追截。日瑞死。殺居民之抗令者四萬七千餘人。晉都御史方岳貢東閣大學士。上久服浣衣。減膳。所御器皿屏金銀。仍諭各衙門裁節。詔天下不得衣錦繡珠玉。用存物力。都御史李邦華密奏。劫永定。二王于太平。等處。首輔陳演劾言之。上遂不計。

冬十月、令天下有司贖錢、遵例積穀外、盡行充餉、再括民間廢銅鑄錢、免懷來桐城田租、十一月、詔臣民有助餉立功者、錄之。十二月、棄吳昌特西布、即日、亦賜周延儒死、諸生許都反、東陽三縣誘擒之、副總兵鄭芝龍定寇漳泉、崇禎十七年甲申春正月朔、大風霾、占曰、風從乾起、主暴兵、破城鳳陽、地震、擢兵巡道何騰蛟、右僉都御史、巡撫湖廣、賊李自成僭號大順、改元永昌、分兵五道、開關東、下自成性極殘、偽黨牛金星教以慈聲惑衆、謂五年不徵一民不殺、且有貴賤均田之制、於是人無固志、山西郡縣望風解、二月、以張縉彥為兵部尚書、請南伯黃得功、邀總兵陳

陳法苑

周遇吉元

晉王院執

蔡懋德續建
性剛特家
剛中不時盛等

洪範勤王洪範意沮不果上視朝忽得賊為封庭中落之
 其詞限三月十五日北京會同館繳一時朝臣相顧失色
 三關總兵周遇吉禦賊代州獨捷斬賊數千退保寧武復
 大捷賊益兵城陷死之太原陷晉王被執巡撫蔡懋德及
 布政使趙建極兵巡道畢拱辰糧儲道蘭剛中中軍應時
 盛文武將吏同死者四十六人閣臣李建泰籍山西自請
 傾家飽禁旅西堵固畿南帝為告廟授節餼錢之正陽門
 賜卮酒三曰先生疾在如朕親行是日大風沙占曰不利
 行師建泰行不數步輿杆折時山西已被賊師不進殘次
 東光廣宗民反拒守攻破之固關失守真定迎降大名陷

宋正統紀

職事

壽

張肯堂

副使朱廷煥死之鄉紳張羅彥等獨守保定建泰遂巡
 亦就食保定輔臣陳演私札言事太常卿吳麟徵論其非
 制隨請下罪己之詔免更徑不及行詔天下勤王閣臣范
 景文都御史李邦華右庶子李明睿少詹事項煜典勳衛
 李國楨各上南遷之議或請皇太子撫軍留都閣部建泰
 自軍中上書亦及撫軍事兵科給事中先時亨稱靈武故
 事止之議莫敢竟上策戰守之計諸臣默然上嘆曰朕非
 亡國之君諸臣皆亡國之臣矣拂袖入於是南京國子監
 祭酒姜曰廣尚書史可法復既請皇太子監國留都不報
 三月以大理寺張肯堂為都御史巡撫福建賊入宣府則

朱高死

代王被執

唐景瑛高宗

律有身家任

李義安何滿

撫朱之馮死之諸生姚倫自殺至大同鎮將姜瓖以城降
 代王被執巡撫衛景瑛及總兵馮三樂督糧郎中徐有聲
 朱家仕諸生李若葵咸死之居庸陷巡撫何謙死之總兵
 唐通與太監杜之秩迎降賊連陷昌平縱焚十二陵享殿
 諸陵守備咸潰逸詔襄城伯李守謙子國楨及都督劉文
 炳駙馬都尉鞏永固等提京營五萬背城守輒潰不用命
 復令御史王章等督內城守兵益解體鞭一人起復一人
 卧還奏上默然者久之時知縣彭士和殉南宮訓導劉庭
 訓殉吳橋欽天監奏帝星下移詔奔寧遠徵吳三桂王永
 吉以兵入衛先是科臣吳麟徵有內召三桂之請不聽至是

杜勳

華水國

避不及事矣。召對諸臣，唯有閉門，止出入，餘無他言。上為
泣下。慘入宮，已已賊數十萬，薄京城，環攻九門，烽火照宮
中。次日，召對後，上俛首書十二字於案，示司禮王之心。尋
拭去，人莫得聞。城外三大營潰降，賊傳命內臣守城，賊令叛
監杜勳、申芝秀先後緣城入，勸上遜位，不得旨。左右不敢遮
勳，勳等竟去。下詔親征，召駙馬都尉鞏永固等，令以家丁護
皇太子南奔。對曰：臣安敢私蓄家丁，即有之，何足當敵。乃
止。丙午，日色無光，天氣陰慘，人心愁惑。彰義門開，大學士
蔣德璟先數日乞歸，宿會館，被劄上急召閣臣問策。大率
言陛下洪福當無慮，是夕上不昧，殊書成國公純臣提昔

皇后且死

未恩獲雅

帝因拜禮

內外諸軍事。夾輔東宮。皆不達。以皇太子二王。分送外戚。與周皇后訣。后自經。手及長公主及素妃。震不殊。引太監王承恩對飲。數日。從內侍數十人。騎持斧。奔正陽。安定兩門。不啓。偕承恩詣萬壽山之壽皇亭。自經。承恩從之。上披髮。御藍袍。跣左足。右著朱履。衣前書曰。朕薄德匪躬。上千天咎。然諸臣之誤朕也。朕死無面目見祖宗地下。去朕冠冕。以髮被面。任分裂朕屍。毋傷百姓一人。又書一行。百官俱赴東宮行在。猶謂閣臣已奉前誅書故。先是南內有秘室。勿啓。或啓之。得繪圖三。其一畫像酷似大行。蓋亦跣足被髮中懸者。明日丁未。賊從齊化順城兩門入。百姓大書

子官范景文
學

順氏二字於額。群。象。迷。如。哀。鳴。泣。下。特。文。武。勳。威。殉。難。者。
為大學士范景文。戶部尚書倪元璐。兵部尚書蔣左都御
史李邦華。副都御史施邦耀。刑部右侍郎孟兆祥。同子進
士章明。戎政右侍郎王家彥。大理寺卿凌義渠。太僕寺丞
申佳胤。翰林院檢討汪偉。左諭德左春坊周鳳翔。侍講學
士馬世奇。左春坊左庶子劉理順。吏科都給事中吳麟徵。
戶科都給事中吳井來。監察御史王章。陳純德。陳良謨。馮
垣登。趙謨。吏部員外許真。戶部郎中周之茂。戶部主事范
方。兵部郎中成德。兵部員外鄭逢蘭。兵部主事金鉉。工部
郎中李逢甲。工部主事王鍾考。中書舍人宋天顯。滕之所。

武張世澤以下

阮文貴副兵馬姚成順天府推官劉有瀾知事陳貞達經
歷施溥張應選毛維張學士丘瑜被執後作絕命詞
自縊死訛傳從賊云又在籍紳衿聞難而從死者為御史
王典胤妻子氏子諸生士和同日自經長洲諸生許琰平
湖貢生陸士鉉及布衣湯文瓊劉復興而武臣英國公張
世澤新樂侯劉文炳一家四十三人彰武伯楊紫城博平侯
郭振明惠安伯張慶臻宣城伯衛時春清平伯吳遵周永
寧伯王長錫陽武伯薛瀛錦衣指揮使王國興錦衣指揮
同知李如珪錦衣千戶高文秉錦衣百戶王甲及都督周
鏡咸死之賊於次日始知帝后殉難狀草殯東華門無敢

張羅秀象

全疏响方化

御守李陳士章

朱都劉劉玄

昌張費高

臣郭貞士

張家玉

入一哭者。辛亥改梓宮。以帝后禮殮。令皇太子二王得一
 謁東華門。封皇太子宋王。衛西宮。不屈。偽示故朝臣。各授
 職。各文武受新銜。共七百餘人。時保定。獨後都城六日。始
 陷。殉難者。為原任光祿少卿張羅彥。彥兄進士羅俊。武進
 士羅輔等。一家三十人。及御史金毓峒。太監方正化。同
 知印宗。公鄉紳陳士章。朱都司。鄉薦劉會昌。張暈。高陞。郭
 貞士等。襄城伯李國楨。請於賊。求以帝禮葬。大行毋傷太
 子。二王毋犯陵寢。賊許。帝禮葬。王禮祭。國楨行合窆於田
 貴妃墳園。還見殺。庶吉士張家玉。為賊所執。不屈。作書投
 賊。有曰。請比例古賓臣。旌別其門。唐罪人聿鍵。釋高墻。時

將軍吳三桂以東師入援賊敗太廟神主遷太祖歷代帝王
廟中聞東師入關親率精銳出禦山海大敗還拜御偽祚
火諸城樓殺閣臣陳演及成國定國諸勳戚挾皇太子定
王永王西遁五月福王立南都

論曰帝勇求治寡欲崇儉鯁鯁民瘼此心誠可享上帝
獨少推誠稍舞智性性以處逆魏之法編其下於是諸
臣救過不暇即賢者亦或寧有益而堅任諸內侍益灰
豪傑之隱曰吾自不旁落已旁落矣以饑益盜以加派
益飢以繕兵益加派以不知所以用兵益繕兵久之兵
皆盜也盟諸中者不與衆喻有悲視身帝信王時嘗閱

三國志見十常侍及董卓曹瞞矯制擅權未嘗不撫掌一
 切齒已聞立初之刑類而動色迺逡巡似失初指則事勢
 流激之不期其然也雖然不屈者人臣之節而天子先
 之為南面持大防義矯百代是故願後者衆為北面昭
 大節亦矯百代